

C40-4514

博山無異大師語錄集要卷四

首座成正錄

拈古

僧問清源如何是佛法大意源云廬陵米作麼生價  
 高低米價環翠色於奇峰吞吐廬陵鎖蟾華於玉  
 樹須知大用無方有感斯應若論清源的佛法三  
 生六十劫未夢見在

南泉一日兩堂爭猫泉提起猫云道得卽不斬衆無  
 對泉斬猫爲兩段南泉舉問趙州州脫草鞋戴出泉

C40  
 4514  
 (220)

B 64853



五象長長長

云子在救得猫兒

放開捏聚王老全機起死回生趙州手段救得救  
不得總不干他事有人識得南泉便入慈心三昧  
臺山路上有一婆子凡有僧問臺山路向甚麼處去  
婆云驀直去僧纔行婆云好個阿師又恁麼去僧舉  
似趙州州云待與勘過州云臺山路向甚麼處去婆  
云驀直去州便行婆云好箇師僧又恁麼去州回上  
堂我與汝勘破婆子了也

飛騰不度趙州關也呼喚不回臺山路也這婆子

荆棘滿地塵埃亘天不遇魔王安能捉敗且道勘  
破後是甚麼時節依舊孟春猶寒

雲門大師云允不透脫有兩般病一切處不明面前  
有物是一透得一切法空隱隱地似有個物相似亦  
是光不透脫又法身亦有兩般病得到法身爲法執  
不忘已見猶存墮在法身邊是一直饒透得放過卽  
不可仔細簡點將來有甚氣息亦是病

精造之跡研極之疵非慧日莫能鑒也若夫知心  
體合截流注之病根達本忘情鏡無已之境象除

非向威音那畔翻身十字街前打睡的漢方可診  
候不然莫將日癡悞作傷寒

臨濟將示滅囑三聖云吾遷化後不得滅却吾正法  
眼藏聖云爭敢滅却和尚正法眼藏濟云忽有人問  
汝作麼生對聖便喝濟云誰知吾正法眼藏向這瞎  
驢邊滅卻

驅耕奪食須是玄師補網張風還他三聖正法眼  
藏向瞎驢邊滅却分明露出半斑要得完全待臨  
濟眼光落地

廓侍者問德山從上諸聖向甚麼處去山云作麼作  
麼廓云勅點飛龍馬跛驚出頭來山便休去來日山  
浴出廓過茶山撫廓背一下廓云這老漢今日方始  
瞥地山又休去

眼如瞎耳如聾諸聖去處點不成畫不就二老行  
藏還知彼落處麼正是憐兒不覺醜德山一條棒  
尋常血滴滴地到這裏因甚不用余所謂暗裏抽  
橫骨明中坐舌頭也

麻谷持錫到章敬遶禪牀三匝振錫一下卓然而立

敬云是天童着語云錯谷又到南泉遶禪牀三匝振錫一下卓然而立泉云不是不是天童着語云錯谷云章敬道是和尚爲甚道不是泉云章敬是是汝不是此是風力所轉終成敗壞

章敬是字天童錯字南泉不字有甚麼語話分惟麻谷錫杖頭較些子善丹青者將此四老製作一圖畫是非窠曰自然瓦解水消

僧問雲門不起一念還有過也無門云須彌山

不起念橫拈三尺劒須彌山墜下一莖毛博山二

十年不着便從這裏識得雲門

仰山指雪獅子云還有過此色者麼雲門云當時好便與推倒雪竇云只解推倒不解扶起

五色令人眼盲五音令人耳聾旣與眼對便成滲漏仰山指獅子示人賣弄太甚只饒推倒扶起總在獅子上作法計不受聲色者知是阿誰

法眼一手指簾二僧同去捲簾眼云一得一失

明鏡當臺明珠在握烙心徹膽無有遺餘法眼用在機先這二僧一任指呼且道孰得孰失當衡者

請錄集要 卷四  
鑑取

風穴郢州衙內上堂云祖師心印狀似鐵牛之機去  
卽印住住卽印破只如不去不住印卽是不印卽是  
盧陂長老出問某有鐵牛之機請師不搭印穴云貫  
釣金鱗沉巨浸却嗟蛙步驟泥沙陂佇思穴喝云長  
老何不進語陂擬議穴打一拂子還記得話頭麼陂  
擬開口穴又打牧主云佛法與王法一般穴云見箇  
甚麼主云當斷不斷反招其亂穴便下座

風穴泥印子在手印住也得印破也得盧陂不搭

印正是鐵牛機可惜乾爆爆地若帶些水頭管取  
泥印子爛去看他印箇甚麼

雲門問乾峰請師答話峯云到老僧也未門云恁麼  
則某甲在遲也峰云恁麼那恁麼那門云將謂候白  
更有候黑

非常之問非常之答迅雷不及掩耳良駟不及追  
風宛轉偏圓各負鈞深索隱底手段箇點將來好  
與痛棒何也爲他無事生事放過卽不可

德山上堂云及盡去也直得三世諸佛口掛壁上猶

讀錄集要 卷四  
有一人呵呵大笑若識此人叅學事畢

孤危不立更用相親法外無身猶欠哮吼鼻準與  
眉毛從來不相識相識去舌頭元在口裏

僧問趙州如何是祖師西來意州云庭前栢樹子

龐婆百草頭趙州栢樹子二人向無煙火處鬪弄  
天工冷眼看來猶是剪彩耳只饒西來大意露布  
庭柯更須吞却門前下馬臺始得

維摩詰問文殊師利何等是菩薩入不二法門殊云  
如我意者於一切法無言無說無示無識離諸問答

是爲入不二法門於是文殊問維摩我等各自說已  
仁者當說何等是菩薩入不二法門維摩默然

明修棧道暗度陳倉若語默商量鉢盂安足二大  
士雖則傳脂付粉水洩不通以不二法門較之尚  
晚也

洞山供養雲巖真舉前描真話僧問雲巖只這是意  
旨如何山云我當時幾錯過先師意僧云未審雲巖  
還知有也無山云若不知有爭解恁麼道若知有爭  
肯恁麼道

語步安詳紐機圓活三玄五位盡在其中肯綮二字披寶鏡之精光彰兼到之赤幟洞上宗風於斯可究矣

雲巖問道吾大悲菩薩用許多手眼作麼吾云如人夜中背手摸枕头巖云我會也吾云汝作麼生會巖云遍身是手眼吾云道即太煞道只道得八成巖云師兄作麼生吾云通身是手眼通身是手眼遍身是手眼汎寶舟而登彼岸通身是手眼搜要徑而啓重玄大丈夫橫身當宇宙要用便用只饒

八萬四千沒處安着然雖如是人出是非難

密師伯與洞山行見白兔子面前走過密云俊哉山云作麼生密云如白衣拜相山云老老大大作這箇語話密云你作麼生山云積代簪纓暫時落寞

任緣而施隨流得妙雲蘿舒卷峯岳凝然白衣拜相雖則異地生苗猶是功勳邊事簪纓落寞之談不無補於密師也

僧問青林虔禪師學人徑往時如何林云死蛇當大路勸子莫當頭僧云當頭時如何林云喪子性命僧

講錄集要 卷四  
云不當頭時如何林云亦無回避僧云正當恁麼時  
如何林云失却了也僧云未審向什麼處去林云草  
深無覓處僧云和尚也須隄防始得林撫掌云一等  
是箇毒氣

青林棒喝不施針錐在舌根上何曾放過這僧爛  
泥中有刺縱得便宜不知早入行舖了也當時若  
問博山但咄云沒去處看他道個甚麼近時佛法  
凋零討這箇師僧也難得

僧問乾峯十方婆伽梵一路涅槃門未審路頭在甚  
麼處峯以杖畫一畫云在這裏僧問雲門門云扇子  
踣跳上三十三天築着帝釋鼻孔東海鯉魚打一棒  
雨似盆傾會麼

問處太親智眼成障傾出雲門七珍八寶天童喚  
作返魂香諸人還嗅着也未乾峯這一畫大地百  
雜碎非但路頭這僧腳跟下七花八裂了也

子昭首座問法眼和尚開堂承嗣何人眼云地藏昭  
云太辜負長慶先師眼云某甲不會長慶一轉語昭  
云何不問眼云萬象之中獨露身意作麼生昭豎拂

誦錄集要 卷四  
子眼云此是長慶學得底首座分上作麼生昭無對  
眼云只如萬象之中獨露身是撥萬象不撥萬象昭  
云不撥眼云兩個叅隨左右皆云撥萬象眼云萬象  
之中獨露身咏

法眼嗣地藏寃有頭債有主子昭爲長慶風不動  
浪不移豈可以人情汚佛事耶當時待問獨露身  
與萬象撥不撥但云是何言歟管取法眼如啞子  
作通使吐露不出

僧問九峯如何是頭峯云開眼不覺曉僧云如何是  
尾峯云不坐萬年牀僧云有頭無尾時如何峯云終  
是不貴僧云有尾無頭時如何峯云雖飽無力僧云  
頭尾相稱時如何峯云兒孫得力室內不知

指活路于廊中舌頭不粘着肉披全提于向上額  
顛不柱着天九峯口齒若梭腸自有巧婦針線也  
所貴者兒孫得力室內不知且道不知者是何事  
從昔去問取九峯

僧問夾山撥塵見佛時如何山云直須揮劍若不揮  
劍漁父棲巢僧問石霜撥塵見佛時如何霜云渠無

國土何處逢渠僧後舉似夾山山乃上堂舉了云門  
庭施設不如老僧入理深談猶較石霜百步

門庭施設入理深談孤鴈群飛缺一不可一句則  
玄景未移而天機獨運一句則神柯未伐而靈樹  
絕依二大士氣宇如王識得渠語者便好作罷叅  
齋

南泉示衆云三世諸佛不知有鰲奴白牯卻知有  
手托地尾連天王老師異類中行也三世諸佛不  
知有掬明月於無影樹頭鰲奴白牯卻知有剪白

雲於不應山谷何人知此意除是長嘯者

進山主問修山主云明知生是不生性爲什麼爲生  
之所留修云笋畢竟成竹如今作箴使還得麼進云  
汝向後自悟去在修云某只如此上座如何進云這  
箇是監院房那箇是典座房修禮拜

拈轉鼻頭披翻唇齒裁長補短自有機宜此語非  
但爲修公截舌亦爲後人點眼可謂絆斷葛藤而  
遊象徑芟除荆棘以露瓊枝其活句如此

首山示衆云第一句薦得與佛祖爲師第二句薦得

詩集卷之七  
與人天爲師第三句薦得自救不了僧云和尚是第  
幾句薦得山云月落三更穿市過

吞盡佛祖佛祖爲師號令人天人天作則向沒蹤  
跡處立名題分數目喚作第一第二早是蛇足矣  
然其鋪舒展演與奪臨時首山舌上有鋒咽喉若  
海也還知月落三更句麼無爲無事人別有間家

具

僧問仰山和尚還識字否山云隨分僧乃右旋一匝  
云是什麼字山於地上書一十字僧又左旋一匝云

是什麼字山改十字爲卍字僧畫一圓相以兩手托  
如修羅掌日月勢云是什麼字山畫一圓相圍却卍  
字僧作樓至勢山云如是如是善自護持

這僧旋身撥無煙之火仰山畫地挑海底之燈義  
天燦爛彼此作家六書中收不住且道是什麼字  
大地無盲人誰是賞鑑者

僧問雲門如何是超佛越祖之談門云餠餅

運劫外之香糜與現前之供養餠餅之談塞斷人  
口也其清音如玉只饒辨似懸河話會不下何也

詩金集要 卷四  
如野饑麥餽一飽卽休若論佛祖之談待別時來  
與汝註解始得

玄沙到蒲田百戲迎之次日問小塘長老昨日許多  
喧鬧向什麼處去小塘提起袈裟角沙云料掉沒交  
涉

人將語探水將杖探裂火裏辨真金鬧市裏識天  
子袈裟下認取老僧玄沙小塘斯人也縱然蓋覆  
將來口苦心甜更有事在

肅宗問忠國師百年後所須何物師云與老僧作個

無縫塔帝曰請師塔樣師良久云會麼帝曰不會師  
云吾有付法弟子耽源却諳此事請詔問之師遷化  
後帝詔耽源問此意如何源云湘之南潭之北中有  
黃金充一國無影樹下合同船琉璃殿上無知識  
古殿苔封逢人不到白雲深鎖有路猶迷青山逼  
近見巍巍萬仞崖頭不露頂古今多少人向塔影  
邊描寫不出唯天童雪竇較些子

臨濟問黃蘗如何是佛法的大意蘗便打如是三  
度乃辭蘗見大愚愚問什麼處來濟云黃蘗來愚云

詩金集 卷四  
黃蘗有何言句濟云某三問佛法的的大意三度吃  
棒不知有過無過愚云黃蘗恁麼老婆爲你得徹困  
在更來問有過無過濟於言下大悟

三年不開口毒氣噴人三遭喫痛棒拂蒿枝相似  
黃蘗處喫交大愚處拔本末後逢人胡喝亂喝是  
何道理不向紫羅帳裏撒真珠畢竟是鰕跳不出  
斗

洞山解夏上堂云初秋夏末兄弟或東或西直須向  
萬里無寸草處去良久云只如萬里無寸草處又作  
麼生顧視左右云欲知此事直須枯木上生花方與  
他合石霜云出門便是草明安云直得不出門亦是  
草漫漫

洞山一具牙齒敲得鳴打得響胡言漢語撒得開  
收得聚可謂暖暖玄提也二老漢騎虎頭把虎尾  
口似蜜甜心如鴉毒還知彼落處麼

仰山夢往彌勒所居第二座尊者白云今日當第二  
座說法山起白椎云摩訶衍法離四句絕百非謹白  
仰山夢裏惺惺驚羣動衆說摩訶衍法離四句絕

百非曾透徹也未快須拋却捷推始得

雲門垂語云乾坤之內宇宙之間中有一寶秘在形  
山拈燈籠來佛殿裏將三門來燈籠上

歷諸心指諸掌顯諸仁藏諸用開發性源其至矣  
夫拈燈籠來佛殿裏將三門來燈籠上雲門大師  
來也放過一着

臨濟問院主甚處來主云州中糶黃米來濟云糶得  
盡麼主云糶得盡濟以拄杖一畫云還糶得這個麼  
主便喝濟便打次典座至濟舉前話座云院主不會

和尚意濟云你又作麼生座便禮拜濟亦打

臨濟棒頭有眼善察來機不是不知來處要院主  
識痛棒始得院主便喝典座禮拜門裏出身剛柔  
相濟若微困去可謂一點水墨兩處成龍矣

僧問瑯琊覺和尚清淨本然云何忽生山河大地覺  
云清淨本然云何忽生山河大地

清淨本然山河大地從甚處得來云何忽生又一  
重也有青者不可以語其純素碧眼者不可以眩  
其玄黃天童所謂見有不有也於瑯琊答處便恁

言錦集卷四  
麼悟去不知誰是其人

頌古

乾闥婆王獻樂迎葉起舞

袈裟角上帶些些撒向閻浮布種芽最喜琴聲清

入骨山川隨處綻曇花

世尊因五通仙人問六通義

應諾聲消那一通山崩海竭絕行踪仙人有口難

分割雙耳聰聰却似聾

阿難尊者問金襴外別傳甚麼

披得金襴早是遲聲音相應合知時門前倒却剎  
竿子吹落空花第幾枝

二祖乞達磨大師安心

覓心不得與心安月印澄潭徹底寒莫逐根塵生

下劣金毛獅子大家看

南嶽遣僧問馬祖祖云自從胡亂後

盡掃塵志未休晴空白日使人愁太平不掛將

軍印擲刃懸戈始徹頭

龐居士問馬祖不昧本來人

山爲圖畫水爲琴誰解其中發妙音個是馬師彈  
得出宮商清慘痛難禁

馬祖不安次

玉回珠轉發真機混不得兮類不齊莫謂老儂無  
氣力倒騎石虎過遼西

振聲一喝三日耳聾

豎拂當陽振祖威難將此際話離微灼然突出燎  
空燧個是金毛師子兒

南泉問僧夜來好風

試問松風逆順酬謾將得失豁雙眸毒龍未肯輕  
開口鑒在機先始徹頭

僧問南泉百年後向甚麼處去

拽耙拖犁異類中崢嶸頭角出羅籠溪南溪北無  
踪跡莖草啣來孰與同

鹽官喚侍者

灼然扇破索牛來樹子無根石上栽當時圓相如  
拋出多少英雄被活埋

歸宗剗草次

一鋤兩段血淋漓大地山河乞命時識得此翁真  
面目難將麤細與君知

趙州問大慈般若以何爲體

相逢特地一重關大笑呵呵豈等閒置帚謾言今  
日事清機歷掌逼人寒

臨濟訪平田遇嫂使牛

路途不識棒加牛使得終須是對頭行過平田長  
岸也耙犁未動合知休

趙州勘婆子臺山路話

腳跟之下臺山路今古無人辨是非勘過依前驀  
直去卻來平地捉盲龜

婆子送錢趙州轉藏經

不受人間不施錢趙州多着一番顛勞渠四大和  
風轉惹得阿婆道未全

僧問趙州如何是道州云牆外底

從來大道透長安牆外酬渠話轉難會得若翁真  
實語現前一日飴三餐

僧問趙州如何是祖師西來意州云庭前栢樹子

詩金身要 卷四  
庭前栢子是西來眼上眉毛脚底鞋嘗記江南三  
月裏鷓鴣啼處百花開

青州布衫重七斤

七斤衫子真歸處何必尋渠較異同更問其中端  
的旨趙州牙齒不關風

僧問趙州如何是出家州云不履高名不求苟得

三途逾絕出家兒身不寒兮腹不饑竹杖敲殘山  
頂月倒吹鐵笛詠新詩

三次喫茶話

南北東西四路通謾將會未話形容醜醍滴入焦  
腸裏靜水無波看活龍

婆子燒菴逐僧

萬花叢裏不沾身陷殺閻浮多少人識得這僧行  
履處幾回歡喜幾回嘆

丹霞叅忠國師侍者被打逐出

耳提面命貴當機大哭還思大笑時果是南陽門  
裏漢皮穿骨露不饒伊

僧問大隋投子劫火洞然時壞不壞義

詩集要 卷四  
壞不壞兮較大千骯髒言句不勝錢衲僧眉下如  
開眼笑指虛空缺半邊

臨濟兩堂首座齊下喝濟云賓主歷然

未喝應須驗主賓衲僧肯向句中親若於喝下通  
消息木馬嘶風過漢秦

德山托鉢

家門興盛子強爺密啓靈機路轉賒說法不同昨  
日語鉢孟柄上較些些

三玄三要

言中有響句藏鋒血染山花別樣紅聊爾與君通  
一線眼光如瞎耳如聾

五位君臣

正偏兼帶驗重玄君義臣忠事事便獨蹈大方消  
息盡絲綸應兆未生前

僧叅雪峰低頭歸菴至見巖頭指末後句

低頭無語便歸菴今古將何作指南祇這是時猶  
不會青山如翠水如藍

雪峰南山鼉鼻蛇

龍鼻當軒好看來喪身失命話全該一棚傀儡都  
拋出何似玄沙帶活埋

僧問雲門樹凋葉落時如何門云體露金風

樹凋葉落露金風澗水山花處處同普字法門親  
瞥地不須擬議話從容

僧問殺父殺母佛前懺悔殺佛殺祖向什麼處懺悔  
門云露

殺佛還如殺父時懺無懺處顯全機負慚頰向人  
前語笑逐清風倚杖藜

玄沙三種病人

剝腸吐膽老婆心擬議纖毫自陸沉要得現前真  
受用六根不具始知音

大顛赴首座

數珠提起問端繇晝夜難將百八酬趁出座元誇  
好手太山難掩大顛羞

夾山答法身句見船子後亦如前答

雪前風勢侵空急雪後寒光炤眼明黃葉紛紛如  
剪綴剩餘松栢映山青

六祖遷化云來時無口

香煙直灌曹溪路石女猶眠錦帳中仍問歸期何  
日月案山風起落花紅

鼓山聖箭

九重宮裏路通霄隨處稱尊舌更饒何似鳳啣丹  
詔出邊郵萬里盡歸朝

大通智勝佛十劫坐道場

灰頭土面稱知識踏破毘盧額頂紅多劫不能成  
正覺祇緣身在道場中

南院上堂舉啐啄同時語

子母渾融氣未分只須啐啄乃相親一朝敲破情  
忘處倒跨橫趨不辨人

僧問雲門如何是諸佛出身處門云東山水上行

水上山行能信否誠然諸佛下生時而今不許雲  
門語電捲風馳祇自知

法眼問修山主毫釐有差

權衡掌握重輕分毫髮無欺說似君用得熟時稱  
好手公平須是當家人

趙州鬪劣不鬪勝

義勝緣輪理一如橫張赤幟道情殊趙州不是閒  
相識驢糞逢人換眼珠

度侍者不宥首座

香煙斷處辯聲訛宥信峯頭語更多首座當時如  
出定管教人唱太平歌

興化獎在太覺時為院主一日覺勘驗化連唱覺連  
打 販寶鬻主頻施唱痛棒如風不順情酸澁肚腸都

嘔盡衲衣脫下便惺惺

雪峰古澗寒泉話

萬丈深潭徹底清隨緣飲啄不關情趙州言句從  
來辣雨後青山眼倍明

世尊陞座迦葉白椎

清白門庭無剩法從來一道絕週遮飲光不合重  
敷演擊碎虛空路轉賒

迦葉尊者因外道問如何是我

醫盲手段不尋常撥鬚金針別有方烜赤太陽重

益火真誠一片熱心腸  
蜀僧爲六祖塑像

三十二相憑君塑就裏何曾有梵音佛性分明親  
指示莫教辜負老婆心

馬師令人送書上徑山山發緘於圓相着一點

欽師猶被馬師惑殺得人兮活得人虎視諸方格  
外盲罔學一點是關津

馬大師西堂百丈南泉翫月次

窮源的是一家親侗丰標壓四鄰拽斷傀儡棚

上索驀然鸚鵡過西秦

陸巨大夫向南泉道肇法師

指花破夢南泉事天地同根陸大夫當下不知花  
是夢至今流落滿江湖

鷺湖義禪師麟德殿與衆法師論義

捏轉鼻頭行古路撇開羶市往山阿不知幾度清  
風起無奈禪師一點何

僧問興善如何是道善云大好山

滿目青山誰是道居然知道不知山閉門作活何

詩金集要 卷四  
多事樵採歸來鎮日間  
僧辭趙州州豎拂子云有佛處不得住

不行鳥道不居鄜醉眼摩娑白晝眠謾道逢人莫  
錯舉摘楊花是季春天

雪峯問靈雲前三三後三三意旨如何雲曰水中魚  
天上鳥

前三三與後三三魚鳥何緣作指南因見桃花發  
一笑而今觸處放癡憨

石梯見侍者托鉢赴堂乃喚侍者者應諾

穿耳胡僧拍掌回尋常問荅語如雷莫言此外無  
多事踏破須彌頂上苔

僧問多福如何是多福一叢竹  
煙雲鋪地起重層斜曲縱橫指似僧古殿不嫌車

馬跡清風起戶雨如繩

丹霞訪龐居士見女子洗菜  
東隣翠鈿映娥眉歛手當胸更是誰却被龐公着

一箭驪龍忍痛虎傷肢

丹霞問僧什麼處宿

食有因緣宿有繇縑衣端不向人求雲山黯黯清  
如許一夜霜風盡白頭

道吾智禪師指佛桑花問僧

禪心隱隱露春規酒味沾唇覆玉彝更向花源辯  
真假一雙空手夜歸遲

香巖擊竹悟道

一擊有聲聾兩耳動容不墮眼初開未生面目渾  
如此無限行人被活埋

趙州庭前栢樹子

庭前栢子西來意流布叢林是與非盡把乾柴當  
猛火阿誰於此絕思惟

雲門餅

特地來伸佛祖談咽喉塞斷莫顛顛若將此語重  
加註十擔油麻樹上攤

南泉斬貓

利刃當陽作者知何人救得此貓兒若無起死回  
生術空向沿途自泣岐

洞山麻三斤

詩鑑集要 卷四  
端嚴妙相難描摸何似當陽指出來一夜西風侵  
骨冷天明滿地是乾柴

自贊

生成眉宇是何標格從本無家隨方作客或時被有  
識者呼爲瞎驢或時被無知者尊爲禪伯行藏不與  
衆同流善惡難教分皂白茲因曇晦禪人勒逼將來  
不免書此塞責

又

這漢子沒來繇擔閭浮重担結衆生深仇破鴛湖戒

律滅壽昌宗猷心毒如砒口甜如蜜獰惡若虎暴燥  
若猴且道是博山耶非博山耶依稀越國彷彿揚州

又

這箇老乞兒從來沒事幹平地起風波通身流白汗  
不會過着個真寃家生平行業難了辨夜叉羅刹最  
相親只是不容人讚嘆

又

獨坐蒲團想個甚麼瓶瀉雲興說亦不破有時喚作  
訝郎當有時喚作破竈墮從緣返復百千名地轉天

旋抵這個

禪警語

示初心做工夫警語

做工夫最首要箇破生死心堅硬看破世界身心悉是假緣無實主宰若不發明本具底大理則生死心不破生死心既不破無常殺鬼念念不停却如何排遣將此一念作個敲門瓦子如坐在裂火焰中求出相似亂行一步不得停止一步不得別生一念不得望別人救不得當恁麼時只須不顧猛火不顧身命

不望人救不生別念不肯暫止往前直奔奔得出是  
好手

做工夫貴在起疑情何謂疑情如生不知何來不得不疑來處死不知何去不得不疑去處生死關竅不被則疑情頓發結在眉睫上放亦不下起亦不去忽朝撲破疑團生死二字是甚麼閒家具噯

做工夫最怕耽着靜境使人困于枯寂不覺不知動境人多厭靜境人多不厭良以行人一向處乎喧鬧之場一與靜境相應如食飴食蜜如人倦久喜睡安

得自知耶

做工夫要中正勁挺不近人情苟循情應對則工夫  
做不上不但工夫做不上日久月深必隨流俗阿師  
無疑也

做工夫人擡頭不見天低頭不見地看山不是山見  
水不是水行不知行坐不知坐千人萬人之中不見  
有一人通身内外只是一箇疑團疑團不破誓不休  
心此爲工夫緊要

做工夫不怕死不得活只怕活不得死果與疑情斷

結在一處動境不待遣而自遣妄心不待淨而自淨  
六根門頭自然虛豁豁地點著卽到呼着卽應何愁  
不活也

做工夫舉起話頭時要歷歷明明如猫捕鼠相似古  
所謂不斬鷲奴誓不休不然則坐在鬼窟裏昏昏沉  
沉過了一生有何所益

猫捕鼠睜開兩眼四脚撐撐只要拿鼠到口始得縱  
有鷄犬在傍亦不暇顧叅禪者亦復如是只是憤然  
要明此理縱入境交錯于前亦不暇顧纔有別念非

但鼠兼走却猫兒

做工夫不可在古人公案上卜度妄加辭釋縱一一領略得過與自己沒交涉殊不知古人一語一言如大火聚近之不得觸之不得何況坐臥其中耶更于其中分大分小論上論下不喪身失命者幾希做工夫人不可尋文逐句記言記語不但無益與工夫作障礙真實工夫返成緣慮欲得心行處絕豈可得乎

做工夫最怕比量將心湊泊與道轉遠做到彌勒下生去管取沒交涉若是疑情頓發的漢子如坐在鐵壁銀山之中只要得個活路不得箇活路如何得安穩去但怎麼做去時節到來自有箇倒斷黃檗禪師云塵勞迥脫事非常緊把繩頭做一場不是一翻寒徹骨爭得梅花撲鼻香此語最親切若將此偈時時警策工夫自然做得上

做工夫最要緊是個切字切字最有力不切則懈怠生懈怠生則放逸縱意靡所不至若用心真切放逸懈怠何繇得生當知切之一字不愁不到古人田地

不愁生死不破

切之一字當下超善惡無記三性用心甚切則不思善用心甚切則不思惡用心甚切則不落無記話頭切無掉舉話頭切無昏沉

切之一字是最親切句用心親切則無間隙故魔不能入用心親切不生計度有無等則不落外道

做工夫最怕思惟做詩做偈做文賦等詩偈成則名詩僧文賦工則稱文字僧與叅禪總沒交涉凡遇着逆順境緣動人念處便當覺破提起話頭不隨境緣

轉始得或云不打緊這三個字最是誤人學者不可不審

做工夫不得將心待悟如人行路住在路上待到家終不到家只須行到家若將心待悟終不悟只須逼拶令悟非待悟也

做工夫着一絲毫別念行住坐臥單單只提起本叅話頭發起疑情憤然要討箇下落若有絲毫別念古所謂雜毒入心傷乎慧命學者不可不謹

余云別念非但世間法除究心之外佛法中一切好

事悉名別念又豈但佛法中事於心體上取之捨之執之化之悉別念矣

做工夫做到無可用心處萬仞懸崖處水窮山盡處羅紋結角處如老鼠入牛角自有倒斷也

做工夫最怕一箇伶俐心伶俐心爲之藥忌犯着些毫雖真藥現前不能救耳若真是個叅禪漢眼如盲耳如聾心念纔起時如撞着銀山鐵壁相似如此則工夫始得相應耳

做工夫不可避喧向寂瞑目合眼坐在鬼窟裏作活

計古所謂黑山下坐死水浸濟得甚麼邊事只要在境緣上做得去始是得力處一句話頭頓起在矚聽上行裏坐裏着衣吃餌裏迎賓送客裏只要明這一句話頭落處一朝洗面時摸着鼻孔原來太近

工夫不怕做不上做不上要做上便是工夫做不上便打退鼓縱百劫千生其奈爾何

疑情發得起放不下便是上路將生死二字貼在額頭上如猛虎趕來若不直走到家必喪身失命豈可住脚也

語錄集要 卷四  
做工夫只在一則公案上用心不可一切公案上作解會縱能解得終是解非悟也法華經云是法非思量分別之所能解圓覺經云以思惟心測度如來圓覺境界如將螢火燕須彌山終不能得洞山云擬將心意學玄宗大似西行却向東大凡穿鑿公案者須皮下有血識慚愧始得

道不可須臾離可離非道也工夫不可須臾間斷可間斷非工夫也真正參究人如火燒眉毛上又如救頭然何暇爲他事動念耶古德云如一人與萬人敵

觀面那容眨眼看此語做工夫最要不可不知

做工夫曉夕不敢自怠如慈明大師夜欲將睡用引錐刺之又云古人爲道不食不寢予何人耶

做工夫不得向意根下卜度思惟使工夫不得成片不能發得起疑情思惟卜度四字障正信障正行兼障道眼學者於彼如生冤家相似乃可耳

做工夫不得向舉起處承當若承當正所謂瞞預籠洞與參究不相應只須發起疑情打教徹無承當處亦無承當者如空中樓閣七通八達不然認賊爲子

認奴作郎古德云莫將驢鞍橋喚作阿爺下領斯之謂也

做工夫不得求人說破若說破終是別人底與自己沒相干如人問路到長安但可指路不可更問長安事彼一一說明長安事終是彼見底非問路者親見也若不力行便求人說破亦復如是

做工夫不只是念公案念來念去有甚麼交涉念到彌勒下生時亦沒交涉何不念阿彌陀佛更有利益不但教不必念不妨一一舉起話頭如看無字便就

無上起疑情如看栢樹子便就栢樹子起疑情如看一歸何處便就一歸何處起疑情疑情發得起盡十方世界是一箇疑團不知有父母身心不知有十方世界非內非外輓成一團一日如桶箍自爆再見善知識不待開口而大事了畢矣

做工夫不可須臾失正念若失了參究一念必流入異端茫茫不返如有人靜坐只喜澄澄湛湛純清絕點為佛事此喚作失正念墮在澄湛中或認箇能講能譚能動能靜為佛事此喚作失正念認識神或將

妄心遏捺令妄心不起爲佛事此喚作失正念如石  
壓草又如剝芭蕉葉子或觀想身如虛空不起念如  
牆壁此喚作失正念落空亡外道魂不散底死人總  
而言之皆失正念故

做工夫疑情發得起更要撲得破若撲不破時當確  
實正念發大勇猛切中更加個切字始得徑山云大  
丈夫漢決欲究竟此一段大事因緣一等打破面皮  
性燥豎起脊梁骨莫順人情把自平昔所疑慮處貼在  
額頭上常時一似欠人萬百貫錢被人追索無物可

償怕被人耻辱無急得急無忙得忙無大得大底一  
件事方有趣向分

博山無異大師語錄集要卷五

書

首座成正 錄

報磨定齋廉憲

自去歲奉謁奇遇欣躍謂禪與淨土居士兼有之矣  
翰教遠頒若猶有意于愚師窮者何謙抑亦至於此  
竊謂毘盧性海人人具有從上諸聖語言及諸家公  
案無非發明茲義總在學者見解何如居士書中超  
脫之見卽是此境現前一了百了更無二語若曰明

講錄集要 卷五  
于此或昧于彼恐尚是意識中得來非性地上徹悟耳雖然大善知識種福田植慧根何難于此道也卽以居士助業較量之闡中品士尺幅證心塞外闕兵一鼓作氣文經武緯用無不宜第令持此向最上乘中直是玄鑑洞觀單刀直入氣象貧衲將翹首居士了一大事因緣也

與趙司理二

貧衲草野疎陋承獎借過分且詔以靈光獨露之旨使振百丈家聲自愧何堪誠知大居士得此光明幢

相三昧久矣故能以此光回焰一切每惟末法中士大夫不罵佛謗法幸矣如臺下深心力護如已眼目非徹焰佛乘廣行慈願孰肯擔荷如此耶然知大居士雖作如是廣大佛事亦不作佛事之想雖發露此光而光非存焰故盤山祖師云心月孤圓光吞萬象光非焰境界亦非存此正與大居士機理相契處然下文云光境俱忘復是何物這裏到得便知云似地擎山不知山之孤峻如石含玉不知玉之無瑕學道入得此箇境界自然生死心破智不能知識不能識

語金集要  
如來禪祖師禪一併打徹矣教中所謂絕心生死伐  
心稠林浣心垢濁解心執着塵勞佛事皆爲遊戲出  
世入世云乎哉大抵貴在一念生死心破自肯承當  
而一切處自然法身獨露如青天白日一毫遮障不  
得若有絲毫疑情未盡卽障道眼古人云一翳在眼  
空花亂墜昔長慶稜禪師坐破七箇蒲團因捲簾廓  
然大悟乃作偈云萬象之中獨露身惟人自肯乃方  
親多年誤向途中覓今日看來火裏冰此卽生死心  
破承當自肯樣子也古人深山二三十年草衣木食

真叅力究蓋爲此耳貧衲自幼出家叅尋頗力情關  
理路百揭千翻直得伎倆自窮所謂獨露者雖欲隱  
而彌彰不知其然而然至今喫粥飯始知甜耳以臺  
下家裏人說家常話非敢馳騁機解自揚家醜蓋承  
以靈光下照故爾借光放光然亦自知不揣其量  
馮山云此宗最妙難得其人末法宗風掃地久矣僧  
中寥寥不意縉紳先生猶見居士所謂清獻公再來  
非耶承大教辨明實際無物不有無物不空真俗二  
諦於中影現無法也而假名爲法無身也而假名爲

身此真性一段光明開發顯露清淨無翳如朗月處  
空無不現者至云潛思于暑年根力純熟如此則十  
二時中固不待提撕話頭如香象渡河截流而過一  
超直入已是漸言耳第禪宗向上不說法身邊事要  
在機用回互深含獨占古人云懷州牛喫禾益州馬  
腹脹天下覓醫人灸猪左膊上此語亦不可作道理  
會亦不可作機鋒契要知十二時中潛行密用築着  
磕着不差毫髮徹見佛祖骨髓命脉則如居士所云  
縱橫自在御風而行者也若然者不把繩頭而繩頭

自把卽此繩頭復是何物上堂洵口而道爲好事者  
錄而成集忽被居士覷破又添一重公案也第捧讀  
佳製霍然忘暑所謂薰風自南來殿角生微涼倘因  
合刻永載法雲

報沈東華廉憲二

春日得聞報知福星焰水谿也此非小緣皆湖東子  
民善因所致惟林下人躑躅不敢前蓋公門中非僧  
家行處祇焚香遙祝而已承翰教豐儀仍問及宗乘  
中事豈但爲僧者得沾惠澤卽三千七百祖師公案

亦復重宣也臨濟大師云一語中具三玄一玄中具  
三要此善知識臨機慧辯三玄三要未兆之先已通  
身突露非臨時湊泊如旃檀本香借火熱則分外香  
若以火論香則辜負旃檀若于言句中討玄要大可  
笑也諸家錄中皆下語大似以鶴粉喻雪雖色相似  
去雪實霄壤惟汾陽頌云三玄三要事難分得意忘  
言道易親一句明明該萬象重陽九日菊花新灼有  
真旨大居士切欲發明斯道在臨濟契棒因緣上會  
去則待客迎賓拈匙把筋三玄三要不問可知其或

未然父母未生前那裏是我本來面目烏紗蓋頂黃  
金束腰傀儡一棚不加線索則生死暗然無寄本來  
面目是甚麼碗槌丘三玄三要留待台駕入山時再  
作個話會也

讀翰教不能釋手知居士靈機浚發皆夙生般若慧  
之所成就非常情可及也惟祖師門下言句如煮木  
札羹如炊鐵釘飯不可以智知不可以識識惟悟與  
悟乃能明了若謂某爲三玄句某爲三要句某爲先  
焰而後用句某爲焰用不同時句正所謂以管窺天

以蠡測海多見其不知量也大居士決欲發明此一件大事赤肉團上無位真人在六根門頭放光動地不得當面錯過若錯過時百劫千生未有了底日子將前解路如斬一握絲一斷一切斷更不相續無位真人是甚麼乾屎橛但恁麼究去一朝知痛癢時向大愚肋下築三拳是大丈夫作略非分外地若依草附木東引西證說心說性者可請一義學沙門將三經五論細說一遍禪之一字拋向萬丈深坑過不可說不可說劫後再可譚不了之緣未爲晚也不識大

居士於此寧甘心乎

昨承諭入道貴在真實真實二字誠入道基本也不識居士於真實處會入道乎少林大師云外息諸緣內心無喘心如牆壁乃可入道果得心如牆壁則真實二字不言可喻若心中揣摩生諸解路早是不真實欲得心如牆壁安可得乎果得心如牆壁正堪入道若以心如牆壁便欲住足祇是箇心如牆壁漢不堪與語道也然心如牆壁不容易到有一等人將妄心遏捺令心不起謂之心如牆壁大似水上按葫蘆

從少至壯從壯至老欲得心如牆壁無有是處真是箇究心人將一句話頭纔方提起如吹毛利劒觸其鋒者卽喪身失命欲其別生一念了不可得連真實二字安亦不住斯二字誠爲入道之基本也大居士日用以此可坐進斯道不然則彈指一生可謂錯過了也真實云乎哉

報林李獅大宗伯

舊冬承翰教謂人生五十不知性命所在此爲誠言非套子語也當知此事萬劫難逢千生罕遇旣知有

此關棧若不發明肯甘心耶祖師荅見性偈云在眼曰見在耳曰聞在鼻嗅香在舌譚論又云遍現該週沙界收攝在一微塵大居士可將此偈細看一遍眼所見耳所聞不逐聲色畢竟是何物也世人都被聲色所轉輪迴六道無有了期一失人身萬劫不復可驚可怖可懼可畏如有智者當于此着忙世間功名富貴決定羈絆不得何也身非我有况身外乎看破此境界十二時中深追力究念念不移決欲發明而後已若能返炤直下無第二人動轉施爲無虧實相

言金真要 卷五  
視生死如夢幻觀世界等空花永嘉云大千沙界海中漚一切聖賢如電拂如此做一個凡聖不拘底大快活人世間之樂事百千萬倍胡足爲比他日向棲鳳嶺頭拍掌一笑何也笑此老婆心葛藤語耳

報吳觀我太史二

往返生生社與居士清譚將半月如坐毘耶城正所謂彼上人者難以酬對然不二門向上更有事在故云不可以智知不可以識識譬如入都城四會之衢非行到不能親歷諸境嗟夫此道閉之久矣投子遠

錄公將五百餘載其間提唱者罕得其人生死分中似不可以解心敵如南嶽見六祖德山見龍潭大有樣子居士於此但當盡心單提一句話頭孜孜不捨以期大悟若徹見根源卽無明結使不斷而自消根識境緣不澄而自殞可謂靈丹一粒點鐵成金自不與諸法門較優劣縱不悟站定腳根終有到家日子如不信斯道三阿僧祇劫始能成就古德云拚此一生成乃至三生必能打徹豈欺我哉如看一口氣不來畢竟向甚麼處去此處字上要切要緊切不可將經

書引證如教中謂無去無來等斯是毒藥不可沾着  
一點但會深追力究決定要討箇下落如前教乘中  
有相應法急須吐却或澄心瞑目寂焰相治虛靈不  
昧觀法無我乃至究竟不卽不離及事事無礙等語  
在佛法中謂之入理深譚在叅禪人分上謂之野狐  
涎所以云鳳縈金網趨霄漢以何期居士不可不慎  
貧衲不得不盡情吐露也

貧衲生少智慧唯叅究一念子蓋切今與居士論及  
宗乘中事譬如居海者不問江河淮泗惟以海印印

之耳所謂看話頭六代相傳未之有問答之際一語  
中放不過便頓發疑情如能大師問南嶽大有樣子  
自後諸家激勵皆曹溪一箇印子上來居士于此須  
發起大信心要徹生死決從斯門而入捨此別求是  
岐路非禪門捷徑于此事上決不可生疑決不可以  
教乘中印證所云散位獨頭脩起倏滅者祗須切之  
一字是破意識利斧也禪警語大慧回書禪關策進  
悉能助發如叅究一日得一日實相縱一生不明亦  
不妨具成佛作祖底基本古所謂但辦衷心必不相

謙承諭浮山聖道場處自有天龍擁護貧衲似不能  
應命山居人事叢雜年臘漸長兼以病魔日至每欲  
捨衆入深山遂谷以度餘年說法境緣付囑於大地  
有情待時節發生耳齊羣玉居士纔發信心須臾卽  
沒無奈死魔壞菩提心印大可嘆息唯居士體認自  
已本命元辰莫管他世界成壞永嘉云大千沙界海  
中漚况漚中一隣虛起滅耶

與何芝岳相國

人生緣遇不易得飯向三寶倍復爲難惟居士深入

佛乘靈苗智種天性帶來而究竟一念子肯心自許  
誠進道之基本也昔人云我得百丈一句語做宰相  
此語一行使天下人皆知有佛法利益甚大非世間  
功德可比希居士燮理之日毋忘此一句話頭十二  
時中幸以大法爲念直欲進陪上古洞鑿今時日應  
萬機不壞不雜觸境遇緣若臨大敵欲勝重門欲開  
猛浪中欲登彼岸大旱時欲得甘霖思到思不及處  
忽然摸着鼻頭原是舊時面孔端不借別人纖毫力  
若以世智辯聰揣度道理定信不及唯有力大人一

担擔荷更不搖頭轉腦也此事誠難決不可將經書  
上印證不可過捺妄念不可使自心空寂凡諸動心  
皆成藥忌諒居士已深鑒此意不待貧衲贅語耳

報徐止觀居士

承諭末法下衰魔風熾盛宗門冷落主法無人余嘗  
于此撫几長嘆可謂襟期不隔千里同風但不識于  
此事中曾瞥地否若此瞥地不妨向祖師門下拋磚  
引玉撒土成金垂手將來與物作則盡大地是魔直  
從魔隊裏穿下過盡大地是佛直從佛頂顛上行然

後向佛魔不到處解三玄戈冑碎五位鎗旗黑漆桶  
裏鑑貌辨色無影樹下嘯月吟風脚跟下動步覲體  
與博山相見倘未得如是禪警語不可不細嚼一遍  
提一個無義味話頭做一場沒巴鼻勾當一朝迸出  
頭來渾身當宇宙求其一衆生相了不可得何物在  
迷何人在悟居士與博山長太息悉剩語也貧衲掃  
一坐具地與居士作不動軒不識居士以爲何如也

報陳熙塘方伯

疑情不起是生死心不切似與前論中不相符合果

生死心切是誰二字不明安得不疑疑情頓發心意  
識尚不起况解路乎雖兼淨土決不可生自足想安  
隱想斯二種是究心人大病居士不可不知識得是  
病終不蹈此二途祖不云乎不斬狸奴誓不休彼既  
丈夫我胡不爾是誰二字是斷心意識底利斧截解  
路底垣牆出生死底要津也叅此二字法門如韓信  
背水陣不顧危亡始得相應耳只此一生判百劫千  
生不了底公案有智者當以日代歲身可寒肚可饑  
不可使話頭有間斷只須迸破疑團心意識及解路

永消瓦解始得大安樂地是大得便宜人百千萬倍  
不足爲比也何如

報陳若來使君

瓶錫過貴郡方登岸卽蒙台駕枉顧譚及宗乘中事  
大發肯心歡忭無量別後六日登鼓山讀旌孝善果  
二錄足見居士一片慈孝婆心超出常情萬萬也然  
人生如芭蕉無堅實相又如作客寄住旅亭雖有旨  
酒嘉餼安隱快樂自非久長惟智者必尋歸家計耳  
視此四大色身如幻如化一氣不來作何究竟此是

吾人一件最要緊事於此不忙溫飽之餘悉爲別人忙卽溫飽亦是分外事况其他乎希居士慧發當機毋容暫息將一口氣不來畢竟向甚麼處去一句子孜孜切切只教覷破這一着始是大安樂處切不可從人言向上討分曉不可將經書上印證不可默矧澄思以爲得意不可因循循虛度日子二六時中祇是一口氣不來畢竟向甚麼處去忽朝迸破疑團如駕輕車而遊熟路不亦樂乎放生業悉能助發機緣若得其所廣其悲願是貧衲至望

報陳四游京兆

貧衲行業無補主持宗門無甚長處惟一肯心自許謬爲先師印可自謂藏身幽壑以保餘年不意往來禪者以情量推之遂使水漲船高名過于實愧也何如貴境鼓山聖道場處加以玄沙黃蘗長慶雪峰每欲登攀無繇克就何幸檀越乘願力來城塹法門興揚三寶况以楨幹宏猷廟堂遠略爲出世間畫一籌策類風復振于今日氣象更新于此時其功德熾然非毫楮能罄然依正互融真俗雙顯外營佛刹內護

心城頓使無價寶珠輝天鑑地不知居士肯瞥然否  
古德云我有明珠一顆久被塵勞闕鎖今朝塵盡光  
生炤見山河萬朶繇此觀之世界不在身外道場毋  
論他方鼓山博山似不勞動步也承名敢不趨命第  
寒山色色有羈殊不如願諒樞衣有時但不敢以年  
月期限爲約耳

復邢梅陽孝廉

并荅

貧衲方息慈時卽聞令先師居京邸說法服膺豪傑  
摧折慢幢如雷如霆可喜可懼因侍受業師南詢不

遑親聆教益迄今渴慕之懷歷歷猶在庚申冬接翰  
教始知居士入令先師籌室味無上法乳棄夢幻功  
名自非深有所得安得如此行履今獲居士長篇高  
論歡喜無量實以慰未見令先師之夙心也復承來  
諭謂時當叔季大法平沉魔外說法不啻河沙讀之  
至此則撫几長嘆足見居士一片大慈悲心腸雖未  
面晤可曰神交况古稀之年乾乾若是使懶惰比丘  
不無慚愧矣貧衲久廢簡編承居士殷勤致問不敢  
不竭思以酬來意

言金集要卷五  
一問狗子佛性之語似不可以識量卜度又不可在  
有無上作活計貴在真叅實究果然當下絕親疎如  
風捲塵不留朕跡若在有無上捉摸何啻捫空論太  
陽遠近耶有角無鬚二種語翻趙州兩重公案思之  
可見非泛論也

二問謂妙明體盡正墮頑空此是居士錯會綱宗之  
旨不但見錯兼義亦謬解文中云妙明體盡謂理極  
情忘力在逢緣有轉身活句况知傷觸不借中自非  
知有不知有者如寐語相似安能識其來源也此正  
是曹洞血脉如靈珠在握又如啞子喫蜜心口俱甜  
不能向人吐露若以頑空釋正所謂黑白相反也

報阮澹宇郡伯二

昨於緣幻場中與居士論及佛乘俱無詮次卽同體  
大悲亦是未了底公案吾人果於日用知同體大悲  
則步步踏着實地非心外之境耳古德云樵子負薪  
歸機婦連宵織管他家事忙且道承誰力知恩報恩  
只此一偈不知居士折旋俯仰會薦之否果薦得則  
山頭之白雪清冷凍殺法身脚跟之流水潺湲侵損

漁父駢闐車馬鱗躍子民不須格外酬機最喜塵中  
見佛狂歌醉舞誇本具之神通淨凡明窓樂現前之  
三昧不礙恒居火宅何妨倒跨白牛弄窮子珠奪饑  
人食剖微塵卷閻大千經世間之樂事百千萬倍不  
足爲比也貧衲以此酬居士枉駕之勞惟同體大悲  
訂今晚向華嚴寺中以償斯債希示的音其或未然  
明早則遠征之念已動接浙之行也

滄海一滴也世界一塵也貧衲近在石頭城大作一  
場佛事究竟如幻大居士還見聞也無若見聞者作

麼生是親切一句試拈出似貧衲使叅禪作見聞種  
子也頃接翰教謂投芥未合良以宗門中事自非親  
到古人田地所有議論悉夢寐中語閱九帶叙煥然  
出奇所謂三止三觀乃至無上無向無一無着而一  
非無者斯卽向上着此論至精至極無人能到但以  
貧衲觀之祇是教中底蘊亦是教中向上似非宗門  
中向上語吾祖師門下貴在轉位旋機一條活路  
居士肯向着衣喫飯處輕輕覷破大笑一場始瞥地  
耳然大章不妨流通與天下人作點眼藥非文字也

慧命中實受用也貧衲意謂宗門中長處只欲居士  
親到耳詩酒二事故乃陶情然詩能勞思酒乃傷脾  
台下高年幸清損之慰所懷也

報王季常郡伯

貧衲不憚番易八百長江千里爲法求人雖則托鉢  
空回惟與大居士夙緣深重而殷勤護念過於骨肉  
蓋以法爲親非世諦比也向蒙問及楞嚴深旨若窮  
其始終雖釋迦老人雲興瓶瀉亦吐露不出况其他  
乎若云清淨本然云何復生諸念此就衆生界中未

達清等四字而言果知得清淨本然山河大地間甚  
麼處得來緣生諸念從識薰起識如夢幻但是一心  
斯卽從凡入聖又不當以覺復生迷爲難惟吾祖師  
門下一句話頭全身入理徹處如紅爐烈燄乾柴溼  
草無不燒盡還源如人到家決不被諸岐爲障貧衲  
以此期大居士斯爲出世正緣似不可別生疑慮也  
報俞容自助卿

蒙問及曹洞宗旨此之一學最妙最玄拈穴細金針  
穿芒長玉線彩空中色相織劫外花紋若非家裏人

詩金集要 卷五  
竟不識家裏事非功力能到非智識能知惟沒巴鼻  
道人始全身擔荷辨莖草之味似不難耳想居士天  
資近道當深留意莫錯過此一段大事因緣此生不  
打徹他時後日定悔恨在莫言貧衲不爲居士說破  
決欲發明此事不妨以衆善助之譬如雨露滋嘉苗  
也

報余集生居士

震旦法席之盛無越於 帝都雖代有隆替悉係因  
緣非智力所能強也唯我 明聖祖神宗受靈山付

囑建立三寶弘通大乘是以天雨寶花增呈奇瑞宰  
官開士傾心法塹實千載一遇應斯嘉運也二百年  
餘芳規未替戴德愈新林下山僧朝暮祝誦未能報  
其萬一豈敢效嬾瓚輩不思弘法深益且念正法將  
沉魔風熾盛稱悟稱證者已遍域中付拂付券者幾  
盡大地痛思古格爲法重人寧以身陷泥犁不將佛  
法作人情是何心腸今時急於法嗣忘其遠憂是何  
意調獨掌不浪鳴隻輪無單運擬欲遁逃深山不忍  
見此荼毒而居士復以慈心三昧見召將令不慧復

爲馮婦乎宗通說通內護外護居士似無愧公美印  
高敞利心孤嗣乏貧衲實黍晞運耳旻昭橫逼老人  
出山殊乏丈夫氣象剛刀雖快不斬無罪三十棒遠  
寄白門擒賊必先渠魁未知集生果能赤體承當與  
否百年曠茲盛舉何異慣削快觀肥牲兩載疲於津  
梁猶如羸夫睨彼巨鼎且浮山雙徑先聲已到諸執  
事人攀轅恐後今年決不出山語已在前意欲踐後  
倘違初心以赴徵命難辭衆口進退維谷居士其代  
我商之一芥翳天毫端舍利邊隅都會孰劣孰優今

古異局彼此殊勢易地未必相爲睽合同異未可一  
轍而論若必按圖索馬恐劒去久矣高明如居士諒  
必不爾或是爲法心深意圓而語滯耶 諸大檀護  
未及徧復幸宣鄙懷統希炤亮不盡

與頑石禪人

余出家來初歷講肆便知有此事因求出世心逾切  
于經教中非不留意知在識見中用事如經云以知  
解心入佛境界如將螢火燒須彌山終不能着又云  
如日當空炤童稚閉其目自言何不覩多聞亦如是

語錄集要 卷五  
如  
故知解逾多非但不悟道且爲障道緣也因拂袖  
別叅初脩空觀五年雖則塵緣淨盡于入理實未得  
力後于船子公案上又六年始瞥然也總不似賢弟  
寂而常焰焰而常寂謂之工夫欲將此心用心非但  
一生窮劫至劫似不能了何以故以能寂能焰之心  
爲根本故又以此心念慮不起爲本體獨露豈待少  
時只饒從生至老總不起念此念之根曾瞥然否若  
果無根性于境緣上自不別生心觸目遇緣如木石  
相似于本體上亦沒交涉也况在念佛作觀之間邪

不知賢弟將何爲本體又將何爲獨露若以念慮不  
起時爲本體自是念慮不起非本體也若以常寂爲  
本體卽是常寂非本體也若日用行事爲獨露正所  
謂業識茫茫非獨露也若將常焰爲獨露自是常焰  
非獨露也如賢弟本意恐在教上揣摩卽在八識田  
中認作本體故曰朦朦朧朧如在燈影裏行此是實  
供非妄語也去歲予與賢弟坐松陰聞鳥聲堂上論  
現量取境如一一明了祇是敎家事與宗門中悟入  
大似隔靴抓癢也三喚侍者非容易會去若作容易

會國師彼時只消叫一聲便好云將謂吾辜負汝却是汝辜負吾何必三呼三應然後乃爾須知別有深意豈是檀郎認得聲便作悟門也舊時行履姑置之勿論果到不疑之地當時便得實用又何待病後爲然睡夢不得自繇此又據欵結案大可笑耳復云岑大虫示人太孤渠往往見人陷此塗轍非是過捺學者故爾爲之乎當知岑師如吹毛利劍擬其鋒者卽喪身失命可謂婆心太切也佛云真非真恐迷豈但掀翻識情窠曰卽真之一字亦不知寘之何地况

以外書平旦之氣似之乎大似夢中說夢又可發千載一笑耳大珠和尚問馬祖祖曰卽此便是大珠故爲有力者負之而趨恐亦未知日用行履若向這裏認其太賒不但未會大珠恐亦未見馬祖也又云識者知是佛性不識認作精魂折中且寘賢弟還識也未只須日用中是佛也須吐却臨濟云老僧未曾向紫羅帳裏撒真珠與汝諸人胡喝亂喝作麼如不向紫羅帳裏穿下過來未免有紅紫之誚非宗門得力之句也又用心曰無事時不怕不明白唯防念慮起

言金集要 卷五  
時若知一念緣起無生卽化了此是將緣起無生化  
念慮宗門中還容得此等說話麼三十棒教誰喫又  
云應物時不怕念慮起只怕不明白明白時卽有念  
慧有現炤此又以明白治念慮宗門中還容得此等  
說話麼三十棒教誰喫又云本體本具炤而寂也宗  
門中還容得此等說話麼三十棒教誰喫此卽是教  
家老婆舌頭非悟門也又云不必工夫又云如是保  
任又云勿忘勿助種種皆顛倒度量之心非叅究也  
卽前爲賢弟說只是似不是真卽此似字亦權巧也

安慰也如果似不待此體會動着便脫捺着便轉不  
必引經引教轉引轉遠不相應何也蓋爲從來不曾  
叅究悉以知解心印定正所謂認奴作郎認賊爲子  
也古德云三世諸佛不知有狸奴白牯却知有僧問  
九峯云如何是頭曰只須知有進云如何是尾曰盡  
却今時其知有二字豈是揣摩識情以日用爲知有  
耶予曾拈云三世諸佛不知有掬明月於無影樹頭  
狸奴白牯却知有剪白雲於不應山谷誰能知此意  
除是長嘯者與賢弟知有是同是別又云宗門中一

語錄集要 卷五  
切奇怪言句無非要人知此事只此見賢弟悟處若  
作恁麼知解宗門掃地而盡知有二字何曾夢見者  
乎只此知有賢弟便可用心直要徹見古人幽隱深  
奧所以云若要知此事直須高高山頂立深深海底  
行向威音那畔翻身十字街頭打睡更須白汗交流  
喫痛棒始得不然則炤而寂寂而炤終日保任終日  
不起念無事於心無心於事體悉此意未爲良證也  
與善來禪人

迢遞三千里因循十二時支那都走遍可惜脚跟皮

汝纔入門時便識汝了也東走西撞圖箇什麼若是  
皮下有血底漢子自當擇一本分宗師三二十年搬  
柴運水壅土掘地未爲分外今時有一等假知識魔  
魅人家男女開口便云有甚麼禪可參有甚麼工夫  
可做直下承當蚤是遲了八刻繇此謂之俊捷謂之  
英靈謂之天然謂之超拔於本分上既不用心將這  
些業識銷磨不去噎了施主飯學詩學字學頌古學  
開示只饒學得口頭便利詩過李杜字壓鍾王頌古  
如雲興開示如瓶瀉秣喚作業識茫茫縱哄得人信

請金集要 卷五  
向禮拜供養祇裝束得一箇皮袋子一朝敗壞時手  
忙脚亂闔王老子放他不過鑊湯爐炭劔樹刀山百  
劫千生未有了底日子出得頭來知是幾多劫數以  
清淨眼觀此等假知識如廁中虫如淨地上荆棘如  
清風裏臭鷄又喚作無慚愧人無廉恥人汝還知麼  
汝還辨得麼若具叅學眼向這裏辨得真僞便好干  
衲衣下抖擻幾根肋巴骨四大子假合便鼓兩片皮  
能講能言一口氣不來向甚麼處去莫承當個事便  
休去莫將經書上印證去莫隨善惡業牽將去莫將

盡十方世界都盧是箇自己本無來去若如此見解  
將來飲洋銅吞熱鐵管取有分在既不如此又作麼  
生得的當一口氣不來畢竟向甚麼處去如坐在銀  
山鐵壁之中祇求迸開還容得第二念起麼還容得  
思惟分別麼到恁麼田地只須因地一聲向威音那  
畔又那畔翻個筋斗來始可向博山這裏喫痛棒不  
然且就千巖萬壑之中打野裡消日子總不干老僧  
事偈曰學道如牛毛發明如兔角人人喜平易那肯  
窺山岳積翠與重巖終是難描邈名言并奇句情想

亂穿鑿撞着黑面老未免遭貶剝有志丈夫兒趣時  
須早覺打破生死關始可稱絕學

與劉胤平太史

佛祖之道貴在得人如彌勒菴與諸昆仲初會時祇  
欲居士深生信解世諦有爲之法非山野所望今科  
名巍赫係因緣和合偶爾成褫亦乃夙世靈苗之所  
發生當思之未兆之先所謂寤寐勤劬思報佛恩切  
不可自生怯弱孰爲有力孰爲無力孰爲大根弘願  
孰爲淺根劣器居塵出塵全身擔荷者捨居士其誰

歟又當念生死事大無常老病不與人期失之刹那  
悔之永劫叅究一念不可須臾忘却禪警語作個策  
身符子遠離諸過以期大悟凡在佛門一切善事盡  
其力量皆可爲助道因緣若半遮半掩卽同流俗非  
佛門弟子博山有一頌不免舉似居士若向此頌子  
上徹去不須動步與山野大笑一場可謂老胡今日  
有望也頌曰博山事香燈居士援毫管千里審跬步  
兩人缺一半惟有過量漢不被時辰轉果知分寸長  
却笑丈尺短楚水吳山霧一團森然雲樹謾勞攢梅

花無意枝頭放爛熳枝頭驗的傳後二句是山野昔  
所和偈語居士高發時不知曾記之否敬以點破可  
發千載一笑

文

上養菴和尚七十壽

鷺湖山高雲絕奕如蓋如幢金蓋色焰世明燈坐道  
場一道靈光燭天北獨步寰中意自殊南方知識迥  
良模推開辨老門前白奪得蘭公肘後符梅花枝上  
露消息倒跨燕都神駿逸金鈎海底釣鯨飛天目峯

頭銀浪激歸來占斷白雲春飯糗羹藜絕四鄰德比  
黃梅躬餉母詩同慈覺勸尊親天生純孝既如此等  
視衆生猶一子開堂法乳潤枯松說法金鱗躍芳渚  
今年七十從心度半倍趙州花甲數使得時辰珠走  
盤吞乾日月壺縣樹眉毛似雪畫難傳萬仞須彌聳  
巨川擬同嵩少追芳躅笑與支那較大千

奠鷺湖和尚

某年月日弟子某謹以素饘香燭之儀致奠于鷺湖  
堂上示寂先大師養菴和尚之靈龕而言曰於戲先

師靈心湛寂道性貞醇幻化八十春秋渾無起滅成  
熟千生善聚示有去來梅花枝上笑拈不夜之春茶  
銚爐邊刺得活人之句見野燹而知起處境量消融  
封鎖鑰以驗方來真機獨露不起日旋三昧大施無  
礙鉗錘悲花法雨灑人寰慈意戒雷轟碧漢不謂化  
儀告畢緣應已週金棺掩耀俄驚白樹以興哀鷺水  
藏珠不覩玉毫之散彩白雲慘乎無色瀑布淒以斷  
流頽法門之華棟四衆何依竭覺海之靈波羣生失  
潤某等夙承洪鑄仰戴玄猷瞻模範以步趨風高莫

及藉聲光而提命恩大難酬叨餐法乳之深徒戀雙  
趺之跡溪毛澗水聊爲最後之純陀海月山雲永作  
吾師之供養至痛無文真炤靡隔

念佛文爲棲霞一門禪人說

夫淨土者乃一切衆生究竟安身立命處也念佛者  
乃一切衆生第一背塵合覺門也寂光真淨惟是佛  
居從此垂作實報淨方便淨及同居淨以接引彼菩  
薩人二乘人及凡夫人既從實以施權則無權而非  
實既隨義以立名應顧名而得義惟淨土之致不明

故念佛之理亦昧但謂自性卽是彌陀而不知彌陀不外自性但謂無念乃爲真念而不知淨念卽是無念是以究極於一心不亂則諸佛心內衆生時時成道托修於執持名號則衆生心內諸佛念念證真念惟是佛如百川朝宗大海佛全在念如琉璃內含寶月不惟感應道交亦且自他不二但令諦信不疑決定無諸岐曲也余幼慕禪宗得入壽昌之室謬承記莒三十餘年寥寥海內有唱莫和刀刀魚魯轉見叅差方知祖師西來事出非常有大利者必有大害功

高易進無如淨土一門念佛得度今正是時之語非欺我也一門禪友結蓮社於棲霞禪室攝念佛人同歸淨土可謂末世津梁人天標榜乞余一言以作警策余嘗謂一切行者須信自心有成佛種子信如來有接引大願信有淨土可生信有彌陀可見將一句佛號驀直念去念到一念不生則凡心卽是佛心更何生死不了真可謂直捷穩當者矣勢至圓通文殊三昧誰有志者而肯捨置弗修習哉

放生文爲報恩自觀以之二禪人說

五濁惡世缺陷衆生舉足動步無不是業招因帶果無不是苦而殺生一事則猶業中之業苦中之苦也止惡行善莫急於戒殺轉毒爲慈莫善於放生故五戒十戒具足三聚莫不以此爲初基果位聖人因中大士履真上賢出假菩薩莫不以此爲首務初果鋤地而蟲離四寸道共戒也聲聞入定而刀杖變花定共戒也菩薩以自在力現三塗爲淨土慈成力也如來以佛眼觀大地衆生同成正覺悲無礙也好生之德普涵於九界放生之功直圓於佛果而世人每易

視之者良繇同體之理不明故也蓋性爲生理識爲生基生機蘊於意地生緣熾於六情遍觀三界無非受生之場備閱六道咸稟妄生之氣達無性者方了緣生悟無生者乃能護物以無緣慈運同體悲能會萬物爲自己故拔苦與樂根於心現於事不期然而自然也若未明斯致形跡爲礙物我成敵在彼既有必償之果在我仍造必報之因因果相酬循環無際苦口良藥如水投石則奈之何然奔濤狂瀾勿忘中流之砥移山杼海弗替初心之誠難行能行亦在當

人之自奮耳苟能斷殺業除殺法離殺緣滅殺因忘  
殺機於根塵識界益生理於依正自他則菩提涅槃  
便可向放生一事中薦取豈世間功德所能彷彿哉  
自觀以之二禪者率諸善友創此社於報恩大刹予  
爲申明其義以告同仁俾能放所放成契無生緣生  
之理庶地獄可以頓空佛性可以頓了謂放生社卽  
寂滅場可也

序

重刻五燈會元序

釋迦不出世祖師不西來佛法遍大地譚玄口不開  
當此時也語言文字踪跡不來棒喝機緣鋒芒不露  
遠夫拈花示衆牽起陳爛葛藤立雪安心突出現前  
公案遂使宗風廣衍慧日高懸燃長夜之燈羣昏頓  
曉拈一莖之草法界齊觀駕車須是打牛磨磚豈能  
作鏡如靈丹一粒點鐵成金至理一言轉凡成聖六  
代破水中之影觸目皆真五宗競空裏之花通身是  
膽橫趨而出笑木楔以何堪捺起便行悟佛法無多  
子覩水影不從他覓處處逢渠斷脚脛痛見已非頭

頭是道若論佛法一切現成諦審玄猷千燈互炤龍  
蛇分于棒下凡聖藉以喝通機發于未兆之先用施  
乎形聲之外乃至一言褒貶一棒縱奪以非為是口  
似甜而意甚苦之以是為非心實允而辭無洽矣雖  
久叅者宿不敢以正眼覷况識情解路能通之乎所  
以道狂機劣解不可以大法示不可以宗乘聞譬夫  
美食置諸穢器祖不云乎醍醐上味為世所珍遇斯  
等人返成毒藥惟大心衆生始能擔荷入斯乘者不  
可不自慎也會五燈為一書者宋靈隱大川禪師未

蒙入藏雖一二處刊行安能廣布自性禪人頓發大  
心謀於觀察曹君為之首倡募諸同信工過半矣余  
初上鼓山聞其事歡喜樂成復徵余為序因援毫以  
書其大槩云爾

萬佛名經壇儀序

衆生淨覺諸佛慧門繇薰變而成凡隨淨緣而見佛  
既隨緣染緣實無生聖凡迷悟悉強名也圓覺經云  
知幻即離不作方便離幻即覺亦無漸次如此領略  
不假漸修非作故無本性無故良以衆生情生智隔

言金剛要 卷五  
想變體殊趨暗背明捨安投險縱無明之嗔火燎功德之稠林沉業識之愛源漲真常之覺海戒乘路塞人我山高衆妄起而邪見生諸器成而金體昧隨情逐境破四棄之清規動念垂真結八重之障罪根本繫乎七衆無論是俗是僧結業失於一時豈分在此在彼受六交之苦報雖千萬劫必償造十習之惡因縱億萬生不返是以羣靈競出大聖垂休駕苦海之慈航開覺城之鎖鑰說難思之懺法彰諸佛之洪名設壇結界獻供懸幡燒種種香散種種花興大悲念

發菩提心禮佛一拜借壯士臂以折慢幢念佛一聲擲如意珠以澄濁水空諸我相徹彼真源如滌淨器以見純金似揭晴空而清智眼貴在力行毋容忽念瑞凝相現罪滅福生若能諦信不疑定計超凡入聖斯經自某朝翻譯載於藏典人所罕聞茲因某禪人化某居士運大乘心廣諸佛行嚴涅槃岸拔衆生苦消黑業于當念財法二施投智種於悲田賢愚一致或云我本宗門禪客母容瑣瑣事諸壇儀當知彼卽地獄罪人莫呵饒舌願賜流通

重刻圓覺經序

夫緣生無性生佛之迹本虛無性緣生聖凡之形宛爾隨業感而報分優劣逐境浪而識變精粗如來大光明藏是衆生淨覺之本源衆生最清淨心是諸佛本起之因地當知無明無體皆是空花實際非塵妄念輪轉究竟圓滿體常寂以遍十方平等道成心恒通而舍利土不妨以幻修幻宜信居塵出塵開總持之門絕去來之相登涅槃之岸忘得失之心虛空何更生花真金不重爲鑛貪欲斷而生死斷愛渴除而

理障除非植二乘頓超五性無取無證眼不自見眼非智非愚心不自生心植衆德本成就道源悟圓覺以淨覺心取靜行而澄行證客塵永滅妙體方週聞在剎那悟通曠劫二十五種輪觀隨順繇人百千萬種法門樞機在我執四相而生顛倒二妄相依了六情以契圓明一心匪礙作止任滅仗知識以銷融僞慢愛憎觀衆生而同體期限成純淨之樂懺悔斷結習之根悉備上機頓圓種智是爲十二分經清淨眼目三千七百祖師密傳之要領也茲因顧居士發心

重刊使一切衆生入文殊智海普賢行門履圓覺妙  
場坐華嚴法界激予序引予不敢以宗乘中較其優  
劣大抵就斯經旁通箇消息耳是爲序

建州弘釋錄序

余作驅烏昔嘗遊閩中知建州爲理學淵藪後閱傳  
燈諸書又知建州爲禪學淵藪每見建州僧必詢其  
鄉之先正然往往不能對因爲悒悒久之丁巳春吾  
弟永覺師初棄儒入釋從壽昌先師學枯禪因與道  
其鄉之先正甚悉皆粹若琪璧逸若鳳鸞多未

及知者余喜甚指其胸曰此是一部僧史記師曰吾  
將志而傳之無何先師沒師來博山同居者五載余  
間索其舊諾師曰俟識鼻孔後爲之後歸閩隱山未  
通消息戊辰春余自鼓山還博山道經建州師迎於  
開元寺余一見而識之曰今可志建州僧也師笑而  
不答余乃問曰壽昌塔掃也未師曰掃卽不廢祇是  
不許人知余曰汝偷掃去也師曰鉢尚又作麼生余  
曰掃卽不廢祇是不會動着師曰和尚似不曾掃遂  
相笑而別至巳巳冬以書來博山則建州僧志成寄

言金集要 卷五  
以相示且徵序焉余閱其所集凡分之爲四科首曰  
達本重明宗也次日曰顯化彰禍應也三日崇德錄衆  
行也四曰輔教備金湯也合之命名曰弘釋崇法化  
也其識正其論確其採訪博其分界嚴非良史也耶  
昔者道宣作僧史於唐弗長於文且不知有別傳之  
事齊達磨一宗於枯寂之輩識何闇也贊寧作僧史  
於宋學富而才踈且列黃蘗於感通列崑頭於遺身  
列永明於興福至於雲門僧中杰也反舍之而弗列  
則其謬爲尤甚覺範繼贊而有述高華秀朗登作者

之壇然止傳禪宗諸彥可以稱全史乎今師所志雖  
僅僅一州而宣寧讓其雅當覺範推其完備迥然猷  
出前無作者卽此可以窺師之一班矣矧千載之上  
藉師而傳之千載之下藉師而知之是師之功固在  
千載之上下也建州稱弘釋者非師而誰歟余故樂  
觀厥成不辭而爲之序抑又聞師撰述甚富盡當殺  
青以傳若然則天下後世有大造焉非猷一建州也  
余請拭目以俟之

重刻蓮宗寶鑑序

言金集要 卷五  
優曇大師徹證禪宗專心淨土自利早圓悲臻未悟  
將念佛一門集成十卷顯諸佛轉未轉之機輪闡衆  
生信不信之障礙其引據確其總攝周其設教融其  
指歸捷可謂大有功於後學者也慨末法我相自高  
邊見分執貶淨土爲小乘指念佛爲權行甚者向人  
涎唾下覓尖新語句蘊在八識田中以爲究竟極則  
及乎到頭一毫無用是之謂棄楚璧而寶燕石返鑑  
而索炤也其亦不辨甚矣夫我釋迦文佛不妄語者  
不異語者彌陀經云一心不亂專持名號乃至七日

卽得往生法華經云若人散亂心入於瑡廟中一稱  
南無佛皆共成佛道此其披心瀝膽徹底爲人此言  
不信誰爲可信此言可信又何疑于淨土念佛之門  
乎要而言之七日不亂爲何等心入瑡廟稱南無佛  
之時又何等心能者得之禪道如是而已若是真師  
子兒哮吼一聲百獸腦裂說淨土亦得說禪亦得說  
淨土卽禪禪卽淨土亦得雙是亦得雙非亦得終日  
念未嘗念終日生未嘗生終日無念不妨說念終日  
無生不妨說生圓陀如摩尼珠求其住足處了不可

言錄集要 卷五  
得何禪何淨土而乃二之然雖如是更有一句彌陀  
未曾道着欲盡情吐露奈舌根短也噫掣電之機留  
待哲者

八關戒序

衆生受佛戒卽入諸佛位位同大覺已真是諸佛子  
此菩薩戒非八關戒也然戒有大小體非異同戒有  
廣畧理無分析戒有斷續性絕開遮自非利生大士  
不無犯于塵勞有力行人何難行于頃刻躋緣生之  
道岸一日之齋通累劫之津梁一日之戒謾言瑣細

具得全功不論短長頓同全戒譬如飲海一滴味同  
全海又如一滴投海同海全波須知戒淺功深因微  
果徹與聖人之方便悲開諸實之權標大士之指歸  
喜見從權之實清山主撮其簡要吳太史覈其攸同  
救圓行于一時植殊因于永劫不揀貴賤勿論智愚  
但辦堅實心腸定入華嚴藏海

生生社戒殺放生序

語云護生須是殺殺盡始安居此勇猛丈夫決定志  
也良以衆生恣無明窟養爛壞身祗解殺他不知自

言錄集要 卷五  
殺五魔熾盛六賊戕害四蛇毒攻二鼠交嚙從劫至劫殺吾慧命劫吾法財可謂大冤家大怨敵而且親之愛之從而結之殺一切衆生噉其肉血恣養四大一氣不來盡成灰壤因有限身造無窮罪根性陋劣迷極不返三途報至誰當代受若能返焰是大不然當披堅固鎧仗金剛劔斬魔賊于五蘊葢林中逐蛇鼠于無陰陽地上廣法身之慈怒起同體之大悲見一切衆生如一子想無彼我相以無緣慈化無相衆生此雲棲老人深達法相也湛上座興悲運慈悉做

雲棲軌則而桐之諸上善人互相鼓導生社繇此而興殺業繇此而斷豈但戒殺而且放生豈但救衆生命實乃續諸佛慧命廣一切衆生慧命也何以故以同體故其無功之功無德之德所謂以殺爲生吾不得以筆舌名之也

### 報恩品序

聞夫苦海無邊慈恩匪一情想局于限量識性迷于無知限量則灼有親疎無知則妄分彼我輪迴于生死三途之業報何窮旅泊于人天九有之昇沉不息

諸金集要 卷五  
改頭換面多生父母結盜賊之冤戴角披毛歷劫宗  
親償兒女之債大師興慈悲念說四難報之法施長  
者現衰邁年誨一惡性之逆子胸前而寢膝上而遊  
真情普矣男爲慈父女爲悲母親愛彌乎以世界爲  
殿堂以人民爲根本 國主之深恩莫報以神通爲  
利樂以度行爲修因諸佛之慈德無休捨幻化財植  
人天福身命頓超棄有漏軀絕堅固想傳心爲最解  
法義而流通法義還他三界智人知深恩而報答深  
恩須是九濤居士不辭饒舌願入斯乘

正觀禪人刺血書華嚴諸經跋

夫大法難逢真乘罕遇千燈供佛酌半偈以何辭四  
句潤心捨全身而不恡况破塵出寶法界全經大士  
因門如來果海塞滿龍宮之藏具在一塵播揚鷲嶺  
之奇縱橫萬象自非曠劫植菩提之因地安能手捧  
目觀偶此勝緣哉正觀禪人夙薰種智修假多方出  
娑竭之湧泉繡貫花之妙品加利刃不見當機之痛  
流鮮血無慚捐體之施書報恩金剛華嚴共計一百  
有餘卷以弘寶筏庶渡迷津蔓衍不二之雄文舌根

言金集要 卷五  
流出騰躍難思之義海筆底翻來反觀法帙得成肌  
膚無損勝妙廣博幻質何垂得浮世之便宜履法門  
之徑路妙緣斯在道岸非遙

疏

廣福菴化藏經疏

箇中不立元字脚一大藏教向甚麼處得來隨方建  
立總持門七百函經從自心中流出觀明星而悟道  
瞿曇之鼻孔頓開拈莖草以投機帝釋之面門務破  
一片白雲瀾漫幾多歸鳥迷踪山河大地作琴聲到

處花飛蝶舞水鳥樹林譚實相何須鳥跡蟲文得魚  
兔方捨於筌罟盈倉儲始忘乎田地剝千燈而供養  
信知大法難逢捨四大以酬心祇爲恩歸有地周廉  
溪發弘誓以相資衆居士乞片言而爲引續佛慧命  
而壽命無疆勞已色身而法身始顯佛緣克就世道  
遐昌

覺慧寺化藏經疏

法幢高聳人天之白業薰成寶藏遙頒緇素之玄風  
始著捨金輪而談真諦捨回帶雨泥牛剝赤肉以博

真詮倒跨嘶風木馬普眼雲興二百問人人衣縫綻  
開普賢瓶瀉二千酬箇箇鉢囊盛滿扶驪龍之至寶  
須探覺慧奇踪踵伏龍之芳塵要入普聞玄徑天垂  
寶蓋千餘年之靈運重來地界金繩四大海之真源  
復湧打開瞿曇寶藏大家乞我一文豎起慈氏層樓  
普願同拈片瓦緣生之實相有據誰申較量之功性  
地之靈苗再生好下有情之種

護生社募緣疏

真心彌亘寧有六道之殊形妄念隨緣遂感多生之

異質如來大光明藏是衆生淨覺之本源有情最癡  
暗根含諸佛妙明之因地雖報緣聰聰蠢蠢然覺性  
完完全全蛛結網機械可知鵲管巢靈心愈巧鱗解  
鑽泥而隱虱惟趨暗而奔觀蠕動咸自貪生雖傷殘  
而猶戀質舐兒之鹿涕泣而腸斷幻囊護子之虫命  
壞而身環舊穴瘳乳捨將烹之鱉投珠醫未死之蛇  
何忍剝皮剔骨活潑潑以入鑊湯劈腹剜心魂飄飄  
而驚爐炭淚未乾而皮毛脫落肉尚動而厨竈喧嘩  
可憐頃刻下咽喉誰識神號鬼泣宥信無端被燒炙

言金集要 卷五  
須知果欠因酬三途之業報無休萬劫之羈縻不息  
豈可恣情悖理烹鮮擇肥惻隱忘大聖之真慈食噉  
導凡愚之惡習無纖毫好生之念藉口曰萬物養人  
興殘慘造業之心又豈知三途在我不爽絲髮如影  
隨形普告達觀長者大發慈心効解網之仁啓放生  
之會杖頭之青蚨不惜囊中之故鈔何慳脫籠檻如  
出囹圄好看理羽毛而愉快免砧几如離屠肆灼然  
全幻體之靈知鼓翅空中現黃衣而拜主昂頭水面  
旋印紐以酬恩果報無差循環不息莫呵饒舌願賜

登名

法雲寺修造疏

華藏獻奇闕地槃稱佛國閻浮選勝樵潭刺有僧居  
喜列祖以傳燈賴衆檀而樂善山林積翠泉石凝光  
茲因道鑄禪人鋤破雲霞芟除荆棘寺基復古殿宇  
維新酬微笑之勝因集同叅之淨侶橫吹鈇笛倒跨  
泥牛採汲不虛施一任蒸雲驟雨茶湯應有待從教  
日炙風吹烹佛祖之心肝敲虛空之骨髓直欲頻開  
碧眼預須成褫莖茅嚴丈六之金身旋七重之寶蓋

言金身要 卷五  
飲斷流之迅水踞峭壁之懸崖炊無米之香糜燃非  
薪之烈火鄉坊城市總須乞我一文居士宰官普願  
親垂隻手果因不昧佛道斯成

博山無異大師語錄集要卷六

首座成正 錄

偈

示董巖達空禪者

通達虛空翻白浪好把家私都破蕩有眼不見有耳  
聾赤肉團中加痛棒從教白醜口邊生佛法塵勞一  
坦平正念針鋒割不入面皮鐵鑄沒人情非禮莫教  
輕動步舉止安詳要回互謾將知見妄疎親拶碎疑  
團須妙悟不破疑團誓不休放出瀉山水牯牛一朝

言金集要 卷九  
驀鼻穿歸也迥地遮天這一頭

示峯頂智建禪者叅無字

狗子佛性無當下絕親疎如入千尋浪惟求赤尾魚  
有角非關鯉無鬚不是渠有無俱勦絕直探驪龍珠  
又如四面火前方一線餘退步卽燒殺橫趨亦喪軀  
烈燄非停止求生莫待徐用意切如此管取發靈樞

示叅禪偈

叅禪須鍊漢毋論期與限咬定牙齒關只教大事辦  
猛火熱油鑄虛空都煮爛忽朝撲轉過放下千斤擔

又

叅禪莫論久不與塵緣偶剔起兩莖眉虛空顛倒走  
須彌碾成末當下追本有生鐵金汁流始免從前咎

又

叅禪没主宰祇要心不改萬彙及塵勞旋空誰恹恹  
堅硬可擎天勇决堪杼海雖然未徹頭管取前程在

又

叅禪發正信信正魔宮震片雪入紅爐赤身遊白刃  
只尋活路上莫教死水浸大散關忽開倒跨毘盧印

又

叅禪休把玩條忽時光換至理雖玄奧秦時鑊鑿鑽  
咄哉丈夫心着手還自判百年能幾何莫待臨行亂

又

叅禪無巧拙一念貴超越識得指上影直探天邊月  
劈開胸見心刮去毛有血分明舉似君不會向誰說

又

叅禪須趁早莫待年紀老耳曠眼矇矓朝在夕難保  
生平最樂事到此都潦倒佛法本無多只要今時了

又

叅禪莫治妄治妄仍成障譬欲得華鯨管甚波濤漾  
至體絕纖塵妄心是何狀謹白叅禪者斯門真可尚

爲蔣居士薦母

叱去泥牛木馬橫拈玉線金針刺出真空錦繡何須  
向外追尋

從來不是衆生何用更求活佛放光動地者誰喚作  
天真一物

示雪航禪人

詩集要 卷六  
行盡千山與萬山逢人特地放癡憨一朝看破枝頭  
月始覺澄潭徹底寒

示智鐫禪人

一片閒雲歸嶺去三間茅屋旁山隈乾坤裏向袈裟  
裏今日分明付大梅

示焰浮禪人行脚

問君曾讀五車書掄管成文似有餘我已搥鞭君信  
否歸家應笑倒騎驢

示成涵禪人省親

幾回夢入故家鄉麥飯慈湯謾忖量踏遍山川圖甚  
事只須親見本爺娘

示志西禪人

分明兩口一無舌簸土揚塵無間歇突出海門大日  
輪元來却是新羅月

爲六雪禪人入關

翻思昔日雲門老關字相酬最上機分付博山闍道  
者莫教辜負翠巖眉

出關

詩集卷六  
始行大事六年雪頓入圓明一片水今日幸親無縫  
塔掣開關鎖萬千層

示穆禪人

逢緣不盡謾云休細看馮山五字牛肯信虛空成粉  
末劫外無身何處遊

示筵禪人落髮

當機削去娘生髮露出摩尼頂上珠分付時人高着  
眼此回親見赤鬚胡

答周肯成居士

苦海中流弄釣竿從渠漩澗不相叅西江涓滴如吞  
盡沙界都虛一座龕

示素真居士請經回

生成一片鐵心腸猛浪狂風頗斲當今日回觀山頂  
月遣遙誰謂脚跟忙  
割塵直欲見全經舟楫何辭泛遠溟怪石狂風穿下  
過此回始道佛家寧

挽劉和鶴孝廉

澄江風細浪花開曾得金鱗上釣來抹嗒不隨烟雨

散暮雲幾度夜招回  
歲寒心有幾人知六月梧凋不近時却憶講經臺上  
約而今已寫挽君詩

示衆禪人

一莖草上現瓊樓吸盡支那四百州贏得清風收白  
汗何須特地使人愁  
天高地厚問端繇捧喝交馳卒未休換骨洗腸猶不  
是誰知屋裏販揚州

話頭一句如弦直聞說如何見面親縱是風恬閒不

徹還憐活水躍金鱗

一句話頭如鐵槩三千里外步如初從來心法無前

境大地收來一草蘆

一句話頭如鐵槩逢人那論是和非直教凍殺阿羅

漢春到僧園菜甲肥

一句話頭如鐵槩年年九日是重陽旋風八字打不

盡開眼明明入鑊湯

一句話頭如鐵槩從前知解盡掀翻忽朝白浪滔天

地無手人撐沒底船

示如是禪人叅無字

趙州無古今有伶俐衲僧顛倒禿若于二處見根源  
大似面南看北斗破無字兩重關重步登高萬仞山  
縱饒絕頂橫身過吸霧披雲未可開筆直路行將去  
誰管途中住不住只教倒跨紫金毛反側始能張露  
布海底塵山頭浪與語玄機都不向月皎風清夜靜  
時沾着纖毫成莽蕩反覆看不較多泥牛解吼木人  
歌油瓶丟向籃筐裏笑殺當年凌行婆

示六義禪人

誰云有六義寧知一字無寄身如浮雲經世一須臾  
男兒氣浩然眉宇動天樞灼然沒巴鼻迥與生死殊  
打開大散關壯哉殆自娛莫學班白人喃喃讀梵書  
論義如流水究竟若交蘆真是獅子兒生成鐵額顛  
又如猛丈夫擘海求明珠只教親瞥地裂破祖師圖  
示陳居士

迥界不會藏眼根豈能見除是悟心人當下討方便  
單提句話頭深追與力究纔欲涉思惟圓明成過咎  
譬如破重關力與萬人敵通身都是膽輪贏在咫尺

那復論危亡亦不分彼我抹轉上頭關無可無不可  
果是獅子兒不向那邊討力就解翻身根塵光皎皎  
清風拂夜月旭日盡朝露萬象成點頭森羅盡回互  
喚作無事人喚作猛烈漢更擬問如何水浸石頭爛

送無澤禪座上羅浮山

緬想當年景泰師菱茅構室海之涓羅浮絕頂恣遨  
遊鐵橋峯畔連瑤池石門方廣容几席三更日上海  
水赤漩瀆乾坤辯故新吞吐風雲度朝夕上人今往  
亦何求縱步勤登二石樓倒視滄溟如涓滴一千瀑

布稱雄流明月壇邊戒剌有殺佛焚經誇抖擻錫杖  
源清浴活龍玉鷲峯峻逢花首七十二洞奏天樂百  
千草木成瓊閣夜深險極轉身難踢破指頭親見脚  
我亦將來步此山入林端不問人間折桂茹芝閒歲  
月時臨清碧焰衰顏

示林野上人

真修行辦已事願與釋迦爲嫡子迥脫塵勞大丈夫  
好將名字標僧史住深山棲巖谷那管春花秋草綠  
一箇閒人天地間饑寒飽煖隨緣足鋤爲枕草爲氈

言錄集要 卷六  
睡眼摩娑白晝眠西來大意山頭有何必臨機更墜  
拳不勞心枉費力華藏莊嚴在咫尺大千沙界絕遮  
欄煩惱無明都解釋不動步是真修體露金風得自  
絲看破世間顛倒事青林深處一聲鳩

示念如上人

一口氣不來畢竟甚處去重玄與義從斯起闍浮走  
遍萬千遭歷劫何曾離自已識得自已是何顏鬻衲  
橫披露半班峭壁懸崖穿下過方知峯頂有層巒

示本宗上人

如何是本古路峻嶒踏得穩如何是宗澄江水底日  
頭紅麻三斤與乾屎橛踏蹬如吞荆棘蓬識得此心  
無二法動容不待眉毛眨破爛袈裟撩亂遮崢嶸頭  
角恣騰踏不學諸方五味禪清風過耳自悠然聖凡  
家業都拋却撒手徜徉笑掣顛挺身不踏無明草佛  
法塵緣都潦倒本源靈湛絕週遮海底珊瑚和日皎  
示慈門上人

一句話頭如鐵橛眉毛不與眼相叅究心自古無多  
事勞破疑團是指南疑團破處無涯岸突出衣珠光

燦爛從他八萬四千門門撞着是這漢臨濟當年  
赤肉團至今鮮血尚漫漫真人裹向袈裟裏鼓掌難  
教覷面看只須揣出虛空骨徹底無依休恍惚順流  
筆直到江西匡廬深處蛟鼉窟五老峯前翠作堆劫  
風幾變尚崔嵬江濤響入遊人耳莫錯呼爲脚底雷  
示湛如上人  
圓明湛湛妙無垠如涉織毫卽是塵大地都來銀世  
界更于何處覓金身体云妄莫分真只知一馬生三  
寅匝地清風何所有笑着鸚鵡過西秦

示吳觀我宮諭

一口氣不來畢竟甚處去血肉身心非常住勘破緣  
生緣不生根塵卽是大寶聚鬧市叢中景物披何須  
山塢與江湄負薪樵子機頭婦渴飲饑餐步不移百  
草頭邊親祖意母拘路滑恣遊戲謾將佛法當真參  
沾着些兒成垢膩本來無古亦無今肉髻明珠豈外  
尋黃鶴樓前伸轉語方知居士問頭深

示何芝岳尚書

一口氣不來畢竟甚處去靈山古佛親分付回頭石

詩集要 卷六  
馬出紗籠宵就家庭守珍御淨几明窻自在時花香  
雲焰碧羅衣夜深月下翻清影無蒂珊瑚露幾枝折  
杖行兮途路杳旋身逾覺乾坤小不須別樣問通津  
萬事無如出處好眼動眉舒曰妙存鴉鳴知是幾黃  
昏依正報中親瞥地迥然無佛處稱尊

示方廣野居士

一口氣不來畢竟甚處去急着娘生雙眼覷洞然無  
物飽齟齬逼塞虛空何處住既無住處肯干休鐵壁  
银山迸出頭謾道腰纏十萬貫端然屋裏販揚州世

緣那更分清濁赤肉團中光閃爍箇箇柴頭品字煨  
風流何啻三禪樂撫掌捫空意灑然浮山湖畔草芊  
芊倒騎驢子都遊遍破霧披雲不記年

示吳九濤居士

一口氣不來畢竟甚處去百年光景從頭數忙忙三  
萬六千朝莫待臨時申苦楚長安大道痛加鞭行不  
前兮亦奮然直待九重宮殿裏金爐應有暗香傳翻  
雲覆雨曹山墮活潑機輪無不可纔欲將心度量來  
溫州桔皮不是火世間無水謾云波吸盡西江奈爾

何酬渠祖意山頭有紫霧紅霞映碧蘿

示胡水稜縣尹

一口氣不來畢竟甚處去白日青天誰不覩還鄉盡  
道是兒孫就裏無容誇佛祖箇中原不立階梯土面  
灰頭孰與齊欲問故鄉晴雨候須知脚下有黃泥驅  
耕奪食男兒漢步不移兮登彼岸何必區區藉世燈  
額上明珠光燦爛夜無惡夢日無驚大地山河一掌  
平好把虛空百禱碎不期華藏宛然成

示宋大山孝廉

一口氣不來畢竟甚處去晴是日兮陰是雨翻來覆  
去見根源裂破胸襟誇步武母拘坐臥及經行展似  
眉毛作麼生雨後花香人發笑霜前菓熟鳥相爭道  
人顛與分時節圖圖不用頻饒舌鐵馬嘶殘劫外風  
大圓覺裏無豪傑你旣無心我也休兩忘何必強追  
求趙州可煞添鹽醋傾出當年授子油

示方肅之館元

一口氣不來畢竟甚處去母問三千七百祖公案交  
橫眉目間無心理會閒家具法身清淨厠坑籌沒來

繇處有來繇一朝撥出通身汗始覺從前滿面羞着  
衣吃飯隨時好何自稽遲不自了抹轉娘生惡面皮  
觸着通身都是寶開不成單合不雙後園驢子繫枯  
椿翻他覷井真三昧隨處逢人豎法幢

示林下石居士

一口氣不來畢竟甚處去劈頭認取最初步縱橫萬  
里不離天莫待臨時泣岐路欲知淮甸與江干連絡  
躡闌車馬殘散盡浮雲開眼看洞庭無蓋法身寒凍  
殺法身成底事隔岸無分他與自塵塵刹刹絕纖踪

誰道姪房并酒肆峭壁層崖不可攀還期陸地見波  
瀾風聲鳥語宣真諦都在龍眠煙水間

示能止靜主

一口氣不來畢竟甚處去穿過千門并萬戶佛法何  
曾有覆藏只要時人行大路纔有纖毫卽是塵幻絲  
真諦不須分杖頭痛處知端的直下原無第二人譬  
若行船牢把舵南北東西都看破只圖拖後清風生  
管他眼底浮雲過不涉廉纖彼岸登傳衣無媿嶺南  
能深山茅屋誰爲主土面灰頭一箇僧

示楊蘭似居士

一口氣不來畢竟甚處去自古慈門無阻拒寶所非  
遙趨進時縱橫原不循規矩明中有暗暗中明明暗  
相叅罷問程拗折驪龍頭上角珊瑚枝畔水痕新料  
撥通身虛捏怪眼耳鼻舌分疆界捏碎挪圓總不妨  
自買應須還自賣運水搬柴識得渠從來就裏絕親  
疎深山佛法依何住烏宿雲藏月上初

示謝中穩居士

一口氣不來畢竟甚處去倒卓眉毛別有路因地一

聲猛省來人在煙雲最深處心如古井不生波笑殺  
臺山指路婆豎起拳頭明歷歷放開布袋奈渠何覲  
面縱橫無忌諱當機那論刹那際十方三世絕週遮  
畱塞誰分心境異塵勞堆裏妙蓮香東土西天謾舉  
揚更有一言吐不出無人處所爲商量

示齊季顓居士

話頭一句如弦直生逼魚蛇化活龍大地山河成粉  
末眉毛血濺梵天紅

示方奕予居士

話頭一句如弦直人在水山雪洞來時節不同塵世  
界桃花九月滿園開

示姚申甫居士

話頭一句如弦直混入方知不夜天路載碧雲雲載  
月無身人坐案前山無人處

示劉君含居士

話頭一句如弦直行遍三千及大千掉轉身來何境  
界夜明簾外月當天

示劉爾靜居士

話頭一句如弦直水底紅塵山上魚布袋都來收拾  
盡珊瑚枝上喜趺跌

示古田上人

話頭一句如弦直劈破虛空膽氣豪按下雲頭收雨  
脚真情踪跡在漁樵

示止水上人

話頭一句如弦直直捷何須論法身果是超方烈漢  
子脚跟不帶故鄉雲

示恒如上人

語錄集要 卷六

七

話頭一句如弦直風雨無停竟到家却笑後園驢吃  
草夕陽西照影偏斜

示陳聘之居士

話頭一句如弦直裂破闍浮猛丈夫倒跨崑崙何處  
去眉毛睫上好安居

示吳鼎甫居士

脚跟無地不青山祖意還期顧盼間識得未拈花去  
處是非不到飲光顏

示衆偈

話頭一句如弦直地覆天翻不動心只有一條生活  
計隨緣逾入逾知深

又

一句話頭如鐵橛碧雲深處有家傳相逢不必重宣  
說處處春風楊柳天

又

一句話頭如鐵橛死中要箇活人來六根粉碎成團  
去優鉢羅花遍界開

示孤月上人

講席都遊過來叅沒味禪鋤雲栽紫芋引水種青蓮  
邃谷嵐浮樹乾柴火少煙松風與夜月相向不須錢

示李若杜居士

日用事無別閒栽石上花晴空尋鳥跡陽燄擁魚鯁  
酒肆尋彌勒姪房訊釋迦纔將清濁辨緣境亂如麻

示金燦宇居士

日用事無別避喧轉覺難飢餘歌晝永燭盡笑更殘  
一切但仍舊萬般都是閒纔生分別想知隔幾重山

示魁杓居士

信心功德聚凡聖莫岐分放出唯三要收來只一塵  
不從他變態母用自紛紜識得衣中寶何愁徹骨貧

又

信心功德聚真箇火中蓮曠劫元無異今生幸有緣  
揭開塵界網印破水中天最喜金剛寶光明炤大千

次曹能始廉憲韻示諸同行者

登山須及頂縱步莫移時路險誰憑杖岐分必問師  
雲深行趣早日落悔來遲力盡機忘處堂堂我是誰

贈官保元勳徐六岳居士

詩錄集要 卷六  
不忘靈山親付囑長安大道行人速一鞭木馬踏花  
飛九重宮殿爐煙馥間拈拄杖撞虛空逼塞誰分心  
境同到得還家花未老白雲依舊故山中

贈徹侯方心寰居士

不忘靈山親付囑大鵬久住金剛窟但問歸家歸未  
會休將古德商遲速虛樓百尺倚晴空門閉梯捐路  
自通不動步時彈指入樓前木馬夜嘶風

贈勳卿詹見五居士

不忘靈山親付囑紅塵豈障叅禪骨雲衣不掛忽然

颯滿目桃花春簇簇春風吹樹看春來露柱生兒笑  
滿腮識得無生親的子任君掩耳過經臺

贈大鴻臚顧醒石居士

不忘靈山親付囑這箇都非心佛物驀爾通身熱汗  
流一味之間百味足百味誰嘗一味非旅中無繫自  
知歸解道澄江靜如練令人常憶謝玄暉

贈同卿徐南高居士

不忘靈山親付囑紅藕池邊波可掬通身獨露放光  
明萬里山河清淨目庭生瑞草未爲奇瓮裏醃醞變

紫芝碧眼胡師吞未盡酸甜只貴大家知

贈同鄉何天玉居士

不忘靈山親付囑識取未生前面目柳風梧月主人  
醒掃花閒殺蕉青僕春到黃鶯語亦親半塘遙隔見  
通津還他寶釧金羈子任我穿衣吃餅人

贈勳卿俞容自居士

不忘靈山親付囑學道先教無厭足假饒已悟更加  
鞭管取千魔俱殞沒護持須護自心王永雪中間別  
有香大着眼眶看仔細丈夫眉宇舊昂藏

贈侍御徐孟麟居士

不忘靈山親付囑光明智火燒殘牘逢人何處着商  
量盡日芙蓉看未足芙蓉霜刃向雲磨魔佛絲來奈  
爾何露布已聞鏡吹奏太平端許臥山阿

贈侍御任文升居士

不忘靈山親付囑緣生世諦多林麓剖開慧眼顯全  
機肯向塵緣空碌碌突出衣中無價珍從來見處不  
依人大圓覺體光明藏淨白元無一點塵

贈侍御吳黃岳居士

詩鈔集要 卷六  
不忘靈山親付囑清光  
靄靄彌山谷舉頭誰不見  
青天男兒肯向他尋  
逐待客逆賓事事長  
跬步何曾離本鄉  
了知動轉非他物  
優鉢羅花遍界香

贈民部朱羅青居士

不忘靈山親付囑  
回首紙穴癡蠅出  
疑情舉處要分明  
莫把心量重卜度  
大千經卷一塵微  
只貴當人剖出之  
曾向洛陽宮裏過  
春花春鳥總宜詩

贈祠部蔡聖龍居士

不忘靈山親付囑  
慧燈好向風前續  
青天白露鷺峰

明更從何處分  
真佛無分無別阿  
誰知當下知歸我  
是誰猛火煨成清淨土  
一聲孤雁夜聽遲

贈司馬龐序皇居士

不忘靈山親付囑  
春氣非傳紅與綠  
一念攀緣眼底花  
片言玄妙膺中物  
空諸所有實諸無  
活殺從來是丈夫  
山色溪聲還跳出  
關藍風雨對屠沽

贈司馬曹安祖居士

不忘靈山親付囑  
浩然氣宇食天祿  
堂堂妙用絕周遮  
百匝千重光晃晃  
底事分明說似君  
碧空花雨亂

詩錄集要 卷六  
紛紜飯餘柳岸經行慣清風微動水成紋

贈繕部吳泊如居士

不忘靈山親付囑海外波斯雙赤足夜來龍藏掌中  
生鉞碎休教添碌碌俊骨摩天秋氣高虛空無物見  
纖毫驅耕奪食男兒事一任西風爽布袍

贈繕部王季常居士

不忘靈山親付囑雪冷須彌偏突兀拈來青囊大如  
瓜見後桃花青似菊熱油鐺舐大方饒莫使重留貼  
肉衫到得感恩知愧日許君親見老香嚴

贈虞部白雉衡居士

不忘靈山親付囑社舞村歌堪薦入歌聲鼓節遣誰  
聞耳中供個觀音佛虛空消殞一人邊草淨湖南萬  
里天一句相憑重道當石人雙耳聽聲前

贈水部周敏山居士

不忘靈山親付囑珊瑚影映澄江綠清風明月兩相  
知蓮花水面如車軸石頭城外草芊芊踏月穿雲知  
幾年一自洞庭歌罷後至今花雨尚翩翻

贈田曹金蘿石居士

詩集卷六  
卷六  
不忘靈山親付囑禪林直豎蒼山骨迥然一念射當  
人此是吾家真種族空花輪轉本來無迷悟俱非井  
覷驢討得饅頭些子味臥雲嘯月種松株

贈田曹吳覺膏居士

不忘靈山親付囑刻刻須教深入木和身逆透頂門  
開六六原來三十六鐵船無恙海潮通月落沙寒釣  
已窮若向此中親薦得竹簫吹過斷蘆中

贈國博丁運侶居士

不忘靈山親付囑蓮花漏裏西裝做一輪海日兩頭

忙六字彌陀千遍讀口中讀讚心思惟直下追尋影  
自隨生則決生去不去子規啼過古梅枝

贈國博錢叔蘊居士

不忘靈山親付囑寶華淨界無延促眉睚之下鼻頭  
豈何人解把舟行陸方舟渡子不曾迷說着河源却  
未知雪滿短策寒夢破自驚身是釣魚師

贈奉常林如冲居士

不忘靈山親付囑熟處當生生處熟却將生熟一鐺  
煎跛驚盲龜稱萬福出門何地不青山傍晚征夫閒

未閒開徹碓花供醉眼磨成磚鏡焰衰顏

贈中秘吳文孫居士

不忘靈山親付囑頭頭法法光明域虛堂無事一聲  
雷野狐跳入金毛窟金毛獅子解翻身這裏分明不  
昧因吐却狐涎入狐隊出山人是住山人

贈進士汪叔度居士

不忘靈山親付囑康莊車馬偏難忽黃塵冉冉遍天  
涯憑君拭洗青山俗青山無况着秋烟鹿草龍芝種  
玉田獨有一年收未得祖珍拋散禁城邊

贈孝廉沈得一居士

不忘靈山親付囑得意華驕風趣足奔騰蹴踏見分  
明萬里空山尋古宿尋人花影落繽紛玉帶誰教報  
衲裙合有臨行饒舌處鍾山雲似博山雲

贈孝廉陳賁生居士

不忘靈山親付囑白石蒼松堪擊筑擊出針鋒一線  
通千流萬派堪漩澗山頭白浪海中塵囊裏無錢賸  
買春月滿珊瑚枝自露跏趺應笑劫前身

贈孝廉徐六虛居士

不忘靈山親付囑宗門豈傍他人入英雄眼底笑男  
兒清風古路無迂曲叅禪先令識心閒錦鯉成龍一  
躍間皮袋生光情愛盡淡將言句寫溪山

贈奉常曹清之居士

不忘靈山親付囑叅禪莫就禪中宿當日惟知劒柄  
長而今始覺毬門複枯椿未始是枯椿觸處風搖白  
玉幢萬里泥牛奔影去碧雲無賴滿春江

贈廣文陳允嘉居士

不忘靈山親付囑斷崖峰頂黃茅屋十方坐斷見春

風撥雲夜看千花谷跨着楊岐三脚驢不逢渠處也  
逢渠解開布袋憑人看妙用臨機果不殊

贈叅軍張時華居士

不忘靈山親付囑十年豫造征人服征人未免挂征  
鞍會免臨岐多倉卒繡幢烟影碧油車放出南山鱉  
鼻蛇若道葛藤猶未斷一杯清供趙州茶

贈叅軍周元執居士

不忘雲山親付囑牧童明月騎歸犢未到人牛不見  
時休隨草色平川綠雨餘芳草是前村牧笛無端欲

斷魂却向古鄰荒寺去大家扶起破沙盆

贈司馬劉斗樞居士

不忘靈山親付囑縱橫出沒無拘束閒雲踪跡渺天壤魔佛從來皆眷屬放生容易殺生難火宅之中叫野干露地白牛車上坐寶鈴珠網夜天寒

贈光祿吳淳太居士

不忘靈山親付囑鉢盂中是千鍾粟橫吞一粒齒牙香却笑饑人果空腹一粒原來何處生大千心畝廓然平夜來賸有栽秧雨好向綠楊聽曉鶯

贈典謁葉翼所居士

不忘靈山親付囑花蜂豈就枯枝宿鑽向銀山鐵壁中他家好似無情物場開選佛看登壇莫道心空及第難踢殺猢猻縛殺鬼不知菩薩是何官

贈宮端丘言思居士

不忘靈山親付囑彌陀一句無真俗數珠繩斷佛聲消十和剖破荆山玉分明寶鏡映千燈擇葉尋枝我未曾識得燒菴真供養泥牛搖尾過窓櫺

贈孝廉李在璞居士

言金集要 卷六  
不忘靈山親付囑修幢拗折瀟湘竹實相門開聲悄  
然短衣破笠黃金域江風淡蕩法身寒江雨淒清夜  
未殘休把鶻啼比鶯語萬花叢裏現優曇

贈中翰葉白於居士

不忘靈山親付囑期君試聽無生曲無手人彈無耳  
聽聚合從前親骨肉團團何處問他方一片空心選  
佛場打鼓却看誰作主釣魚原是謝三郎

贈固卿余集生居士

不忘靈山親付囑爾自彈絲我吹竹合成一調供衆

生梵天花雨成禾穀攪不清兮燒不香捉賊須教有  
正賊溺器踢翻清夜曉傳燈名字間僧行

贈都閻余周生居士

不忘靈山親付囑日午虛窻剔明燭厨前巧婦細思  
量自笑能炊無米粥諸天同器不同餐肘後金符近  
已利馬足似雲弓似月將軍今夜下三韓

贈太學方士雄居士

不忘靈山親付囑青山滿目原非物荆棘叢中穿過  
時何論橫趨與直入旋風八字打將來寶網金繩觸

言錄集要 卷六  
處開萬壑千巖春自煖  
鬼光和露護珠胎

贈太學汪吉所居士

不忘靈山親付囑  
加鞭倒跨泥牛犢  
牛背頻將鐵笛吹  
聲聲韻出無生曲  
無生曲子孰賡和  
石人解拍木人歌  
遊遍支那歸去晚  
衣冠之下古彌陀

贈文學陳旻昭居士

不忘靈山親付囑  
瓊苗遠發瀏陽佛  
揚吾家醜逼吾忙  
管保千生受塗毒  
千生只在一朝圓  
毒鼓聲騰萬馬先  
廓爾子韶明物格  
紫雲金殿暗香傳

示余得之居士

不忘靈山親付囑  
日用何妨耕與讀  
書中全露聖賢心  
大似良田獲嘉穀  
聖賢俱自道場來  
儒釋源流莫浪猜  
會得拈花微笑旨  
龜毛拂子舞三台

示泰水禪人

一口氣不來畢竟甚  
處去剔起眉毛知  
住處銀山鍊壁也  
須開劈面當機解  
回互大力量  
休恐怖趙州  
略約古今傳  
笑看幾多驢馬渡

示鄧九如居士

詩集要 卷六  
頓悟心源開寶藏灼然笑點馬師團項明果具摩醯  
眼黑白終歸句下圓

示李何事居士

頓悟心源開寶藏摩娑睡眼見青天現成公案重拈  
出三個糊獠夜簸錢

示傳遠度居士

頓悟心源開寶藏衲衣底事有來踪  
棗直至而今飽不休

示劉今度居士

頓悟心源開寶藏庭前栢子話偏長道人  
不諳西來旨一陣清風一陣涼

示鄧直卿居士

頓悟心源開寶藏家風不與世人同  
百千萬種諸三昧只在尋常語默中

示劉文長居士

頓悟心源開寶藏全身領荷亦遲遲  
更思吸盡滔天浪笑倒江西馬大師

示葉對育居士

言金集 卷一  
頓悟心源開寶藏肘後靈符衣裏珠  
却認取楊岐三脚驢  
妙都拋

示王有功居士

頓悟心源開寶藏毘盧頂上好安居須知別有通霄  
路烈漢從來不畜書

示吳叔達居士

頓悟心源開寶藏隨聲逐色過朝昏一條拄杖穿雲  
走得失親疎總不論

示瑞崖上人



七十六